



H.M. 225,  
Tyko. M. 163





# LAOIDHEADAIR GAIDHLIG

---

COMH-CHRUINNEACHADH

DE

LAOIDHEAN SPIORADAIL.

A REIR AN LAOIDHEADAIR BHEURLA  
A CHUIREADH A MACH LE UGHDARRAS  
EAGLAIS NA H-ALBA.

---

GLASGOW:  
ARCHIBALD SINCLAIR, PRINTER, 'CELTIC PRESS,'  
47 WATERLOO STREET



LAURISTON CASTLE  
LIBRARY ACCESSION

# LAOIDHEADAIR GAIDHLIG.

12, 13, 12, 10.

1

1  
H. W.

**N**AOMHA, naomha, naomha, 'Thighearn uile-  
bhuadhmhoir !

Moch 's a' mhaduinn togar leinn ar n-òran dhuitse  
suas ;

Naomha, naomha, naomha, cumhachdach is truacant',  
Dhia an Trì Pearsa, Thrionaid chaomh nam buadh !

2 Naomha, naomha, naomha ! tha do shluagh 'toirt  
cliù dhuit,

'Tilgeil sios an coroin òir an làthair Dhé 's an Uain,  
Ceruban is Seraphan 'sleuchdadh dhuit le h-ùmhachd,  
'Thì bhà, 's a thà, 's a bhios gu sìorruidh, buan.

3 Naomha, naomha, naomha ! ged chùir duibhre sgàil  
ort,

Ged nach léur do shùilean peacach dealradh àrd  
do ghlòir',

'S tusa mhàin tha naomha, chan 'eil coimeas ann duit,  
Iomlan am fìrinn, gràdh, is cumhachd mòr.

4 Naomha, naomha, naomha, 'Thighearn uile-bhuadh-  
mhoir !

Bheir d' uil' oibre cliù do d' ainm 's an spéur, 's air  
tìr, 's air cuan ;

Naomha, naomha, naomha, cumhachdach is truacant',  
Dhia an Trì Pearsa, Thrionaid chaomh nam buadh !

2  
K.

**A**THAIR air Neamh ! do ghràdh neo-ghann,  
 Fhuair éirig do ar n-anma fann ;  
 Ad làth'r tha sinne, peacaich thruagh'  
 Ag aslach' maitheanais o shuas.

2 Mhic Shìorruidh ! ar Fear-saoraidh gràidh,  
 Ar Triath, ar Sagairt, is ar Fàidh  
 Ad làth'r tha sinne, peacaich thruagh'  
 Ag aslach' gràis o 'r n-Athair shuas.

3 A Spioraid Naoimh ! a thogas 'n àird  
 An t-anam bochd o chiont' 's o'n bhàs,  
 Ad làth'r tha sinne, peacaich thruagh'  
 Ag aslach' cumhachd bheò o shuas.

4 Dhia—'n t-Athair, Spiorad, 's Mac faraon,  
 An Diadhachd dhìomhair, Triuir-an-aon,  
 Ad làth'r tha sinne, peacaich thruagh'—  
 . Gras, saòrsa, 's neart, thoir dhuinn o shuas.

6  
K.

**M**OLADH is cliù biodh dhuitse, Dhé ;  
 Do mhòrachd cuiridh sinn an céill ;  
 Na cinnich sleuchdaidh dhuit a sìos,  
 Ga d' aideachadh mar Thriath 's mar Rìgh.

2 Bheir sinn do d' ainm ro naomha glòir,  
 Le Seraphan is ainglibh mòr' ;  
 Na cumhachdán air nèamh gu h-àrd,  
 Cuiridh do chliù an céill gu bràth.

3 O, naomha, naomha, naomha, Dhé,  
 Iehóbha, beannaichte gach ré,



Tha nèamh is talamh làn de d' ghlòir,  
De d' sholus, is de d' chumhachd mòr.

4 Na h-abstoil fòs tha 'seirm do chliù,  
'S a' cur am mèud àrd-fhuaime a' chiùil;  
Na fàidhean is na mart'raich ghrinn',  
Sgaoilidh do ghlòir gu linn nan linn.

5 Moladh do 'n Athair, Dia nam Feart,  
Air son a mhòrachd is a neirt;  
Do 'n Mhac ro chaoine, 's do 'n Spiorad fhìor,  
Aon Trionaid, beannaichte gu sìor.

8,7,8,7,8,7.

4

//

R.B

STUIR sinn, Athair nèamhaidh, stiùir sinn  
Thar muir bhuaire an t-saogh'l nach fiù;  
Beathaich, treòraich, dìon, is gleidh sinn;  
Chan 'eil còmhnaidh ann ach thù;  
Ach a' mealtuinn gach aon bheannachd,  
Ma tha Dia na 'Athair dhuinn.

2 Maitheanas, a Shlàn'gheir, thoir dhuinn;  
Meud ar laigse dhuitse 's léur;  
Chaidh thu troimh an t-saogh'l so romhainn;  
Mhòthaich thusa 'uile phéin;  
Lag is brùite, fann is claidhte,  
Trid an fhàsaich chaidh thu féin.

3 'Spioraid Dhe, a' teachd g' ar n-ionnsuidh,  
Lìon le aoibhneas nèimh ar crìdh';  
Measg le gràdh ar n-uile ruintean,  
Sòlas de nach fàs sinn sgìth;  
Mar so, sàthach, saorta, stiùirte,  
Ni air bith cha mhill ar sìth.

**D**ean 'bh aoradh do 'n Rìgh  
 Ro ghlòirmhor tha shuas !  
 O, seinnibh m' a neart,  
 'S m' a ghràdh deanaibh luaidh !  
 Ar sgiath is ar didean,  
 Triath siorruidh nan dùl,  
 Tha na chomhnuidh an glòir,  
 'S e comhdaicht le cliù.

2 Innsibh m' a chumhachd !  
 Is seinnibh m' a ghràs !  
 'S e 'n solus a thrusgan ;  
 'N speur a bhrat-sgàil ;  
 Tha carbad a chorruich  
 Mar thorunn le toirm,  
 'S tha 'shligh' ann am falach  
 An gaillionn 's an stoirm.

3 An talamh le 'mhaoin  
 Do-innseadh gu léir,  
 Le d' chumhachd air tùs  
 'S tu 'chruthaich, a Dhé ;  
 Is dhaingnich thu 'bhunait  
 Le ordugh ro theann ;  
 Mar fhalluinn ma 'n 'chuairt dha  
 Tha 'n cuan aig gach àm.

4 Mu chùram do ghraidh  
 Co 'n teangadh 'ni sgeul ?  
 Tha 'n t-àil' 's an solus  
 'G a shìor chur an céill ;  
 Is sruthain nam beann  
 'Tha 'n an deann 'dol do 'n chuan,  
 An t-uisg', is an driùchd,  
 'Thuiteas tlàth air a' chluain.

5 Sliochd anfhann o 'n dus,  
 Gun spionnadh gun lùths,  
 Ar n-earbs' tha annad,  
 'S cha chuir thu ruinn cùl :  
 Nach caomhail do thròcair,  
 A mhaireas gu bràth !  
 Ar Cruithfhear, ar Tearmun, n,  
 Is ar Slàng'hear gràidh.

6 'N cumhachd do-labhairt !  
 An gràdh nach gabh luaidh !  
 Tha ainglean le aoibhneas  
 'S seinn dhuit gach uair ;  
 Tha 'n saogh'l 's na tha ann,  
 Ged is fann a tha 'n dàin.  
 Le urram is dùrachd  
 'Toirt cliù dhuit do ghnàth.

7,7,7,7,7,7.

6

15 K.

A IR son maise mhór an t-saogh'l,  
 'S maise fòs nan spéur 's nan nial ;  
 Air son dìlseachd chaomh a' ghaoil  
 'Tha 'g ar cuartachadh gach ial,  
 Bheir sinn duitse, Aon-Mhic Dhé,  
 Iobairt-mholaidh feadh gach ré.

2 Air son maise ghrinn gach uair'  
 Fad na h-oidhche 's fad an là,  
 Rèultan soillse, grian, is luan,  
 Cnoc, is gleann, is craobh, is blàth,  
 Bheir sinn duitse, Aon-Mhic Dhé,  
 Iobairt-mholaidh feadh gach ré.

- 3 Air son tlachd nan sùl 's nan cluas ;  
 Air son tlachd a' chrìdh' 's a' chinn ;  
 'Dualadh léirsinn, beachd, is fuaim'—  
 Teudan-ciùil ro dhìomhair, grinn,  
 Bheir sinn duitse, Aon-Mhic Dhé,  
 Iobairt-mholaidh feadh gach ré.
- 4 Air son bràithreachais 'measg dhaoin',  
 Pàrant, leanabh, piuthar, bràth'r,  
 Uile smuaintean bàigheil, caoin,  
 Caoimh air nèamh is caoimh a làth'r,  
 Bheir sinn duitse, Aon-Mhic Dhé,  
 Iobairt-mholaidh feadh gach ré.
- 5 Air son lànachd thìodhlac saor,  
 'Fhuaradh leinn o d' mhaithreas mór,  
 Trocair Dhé is subhailc dhaoin',  
 Blàithean gràis is fluirein glòir',  
 Bheir sinn duitse, Aon-Mhic Dhé,  
 Iobairt-mholaidh feadh gach ré.

7,7,7,7.

7 17 K.

- M**OLAIBH, molaibh Dia, ar Rìgh,  
 Seinnibh moladh dha gun sgios !  
 Chionn gu'm mair a thròcair chaomh,  
 Daingean, fìor, gu saogh'l nan saogh'l.
- 2 Moladh dhàsan 'rinn a' ghrian,  
 'Riaghladh nan tràth gach ial :  
 Chionn gu'm mair a thròcair chaomh,  
 Daingean, fìor, gu saogh'l nan saogh'l.
- 3 Agus gealach àigh na h-oidhch',  
 'Sgaoileadh solus tlàth a soills' :  
 Chionn gu'm mair a thròcair chaomh,  
 Daingean, fìor, gu saogh'l nan saogh'l.

- 4 Dia 'chuir frasan nuas o' n àird,  
Chum gun cinneadh dhuinn am bàrr :  
Chionn gu'm mair a thròcair chaomh,  
Daingean, fìor, gu saogh'l nan saogh'l.
- 5 Thug do 'n achadh àithn', gu beachd,  
Toradh luachmhor a thoirt seach :  
Chionn gu'm mair a thròcair chaomh,  
Daingean, fìor, gu saogh'l nan saogh'l.
- 6 Molaibh Dia an fhoghair àigh,  
Dia a bhuilich saibhlean làn',  
Chionn gu'm mair a thròcair chaomh,  
Daingean, fìor, gu saogh'l nan saogh'l.
- 7 Dia 'thug lòn a's feàrr gu mór,  
Gealladh sonais àird an Glòir !  
Chionn gu'm mair a thròcair chaomh,  
Daingean, fìor, gu saogh'l nan saogh'l.

C.M.

8

21. AC.

- A** N dòighean dìomhair gluaisidh Dia,  
Thoirt 'iongantais mu 'n cuairt ;  
Mar charbad dha tha 'n doinionn dhian,  
'S tha lorg a chois 's a' chuan.
- 2 An doimhneachdan de ghliocas sìor,  
Tha 'rùintean taisgte suas ;  
Is cuirear leis a thoil an gnìomh,  
Mar 's miann leis féin gach uair.
- 3 Ur-mhisneach glacaibh, 'naoimh gun treòir,  
Na nedil is duirch' tha làn  
De thròcair chaoimh, is dòirtear leò  
Oirbh maitheas mór gun dàil.

4 Na measaibh Dia tre shealladh mhàin,  
Na 'ghràs cuiribh ur dùil ;  
Air cùl an fhreasdail dhuirch' tha gràdh  
A' dealradh 'ghnàth na 'ghnùis.

5 A rùintean abaichidh gu luath,  
'S iad fosgladh suas gun tàmh ;  
'S ged robh a' ghucag searbh 's an uair,  
Bidh mìls' is buaidh 's a' bhlàth.

6 As-creideimh dall 'théid clì 's gach ceum,  
Gníomh Dhé a chaoidh cha sgrùd ;  
'S e Dia 's fear-mìneachaidh dha féin,  
'S ni soilleir, réidh, gach cùis.

8,7,8,7.

9 23 - K.

CLIU do 'n Tighearn anns na h-àrdaibh !  
Aingle, molaibh e gu léir ;  
Grian is gealach seinneadh dhàsan,  
'S sibhse, 'reultan glan nan speur.

2 Cliù do 'n Tighearn ! thug e àithne,  
Chual' a' chruitheachd Dia nam Feart ;  
Rinn e reachdan buan is daingean,  
Chum an stiùradh anns a' cheart.

3 Cliù do 'n Tighearn ! tha e glòrmhor,  
'S buan a ghealladh is a ghràs ;  
Thug a naoimh le 'neart 's le 'chòmh nadh,  
Buaidh air peacadh 's air a' bhàs.

4 Cliù do 'n Tighearn, Dia ar slàinte !  
Feachd nan naomh tha 'luaidh a ghlòir' ;  
Talamh 's nèamh 's a' chruitheachd àillidh,  
Seinneadh cliù d'a ainm ro mhór !

7.

10

28. Jul. ?

**E** ISD 's an iarmailt òran binn—  
 “Glòir gun chrìch do Rìgh nan Rìgh!  
 Sìth air thalamh 's tròcair shèimh,  
 Dia is daoine réidh ri chéil’!”  
 Dùisgibh suas, a shlòigh gu léir,  
 'S freagraibh caithream-bhuaidh nan spéur;  
 Togadh talamh 's néamh an guth—  
 “Rugadh Iosa Crìosd an diugh!”  
 Eisd 's an iarmailt òran binn—  
 “Glòir gun chrìch do Rìgh nan Rìgh!”

2 Crìosd d' an toir na nèamhan cliù;  
 Crìosd, aon Tighearn mór nan dùl;  
 Fèuch, aig crìch nan linn e 'teachd,  
 Gineal òighe 's e, gu beachd;  
 Fèuch, an diadhachd anns an fheadail,  
 Sgàil na daonnachd air a ghlòir;  
 Ghabh e tlachd an comunn dhaoin',  
 Iosa, ar Immanuel caomh!  
 Eisd 's an iarmailt òran binn—  
 “Glòir gun chrìch do Rìgh nan Rìgh!”

3 Fàilt' do Phrionns' na Sìth o 'n àird!  
 Fàilt' do sholus Grian an Aigh!  
 Bheir e beatha do gach aon,  
 Slàint' fo 'sgéith do chloinn nan daoine';  
 Chuir e uaith a ghlòir le gràdh,  
 Chum ar dìon o chumhachd bàis;  
 Togar leis-san daoine suas,  
 'S nì e iad na 'n gineal nuadh.  
 Eisd 's an iarmailt òran binn—  
 “Glòir gun chrìch do Rìgh nan Rìgh!”

C.M.D.

11 25 K.W.G.

A IR oidhche àluinn thùining e,  
 An t-òran glòrmhor àigh,  
 Bho ainglean àrd' a' dlùthachadh  
 Le 'n clàraibh-ciùil mu 'n mhàgh;  
 "Mòr-ghlòir do Dhia, air thalamh sìth,  
 'S deagh-ghean do dhaoin' gach linn,"  
 Gu tosdach dh' éisd an cruinne-cé  
 Ri ainglean Dhé a' seinn.

2 Feuch iad a' tèarnadh troimh na neòil,  
 Air sgiathan caomh na sìth;  
 Chum àrmait nèimh gun sgar ri ceòl,  
 Os cionn an t-saoghail sgìth;  
 Tha iad a' cromadh dlùth le bàigh,  
 Thar tìr a' bhròin 's na teinn;  
 Is thairis air a' bhuaireas àrd,  
 Tha ainglean Dhé a' seinn.

3 Dà mhìle bliadhna ruith an cuairt  
 Fo cho-sheirm bhinn nan laoidh,  
 Gidheadh le eu-ceart agus fuath,  
 Tha 'n saoghal air a chlaoidh;  
 Tha daoine a' cath an aghaidh dhaoine,  
 'S le naimhdeas air an roinn;  
 Cha'n éisd iad ris an òran ghaoil  
 'Tha ainglean Dhé a' seinn.

4 O sibhs' tha dol, le ceuman fann,  
 Fo uallach trom a' bhròin,  
 Air rathad dorcha, doirbh, troimh 'n ghleann,  
 'S a fhuair gu tric ur leòn,  
 Biobh ait, tha 'n t-àm a' tarruing dlùth  
 A dh' fhuasglas sibh o phéin;  
 O éisdibh, 'n uair a tha sibh sgìth,  
 Ri ainglean Dhé a' seinn.



- 5 Feuch là an aoibhneis dlùth do làimh,  
 Mu 'n d' rinn na fàidhean sgeul !  
 Tha bliadhn' na saorsa cinnteach dhuinn,  
 Mar 'ghealladh le am beul ;  
 Bheir nêamh is talamh nuadh an géill  
 Do Rìgh na sìth r' a linn,  
 Is éiridh fonn o'n chruinne-ché,  
 Mar ainglean Dhé a' seinn.

7,7,7,7.

12. 84. m<sup>c</sup>R.

**I**OSA ! 'n t-ainm a tha ion-ghràidh !  
 'N t-ainm os cionn gach ainm tha àrd !  
 Lùbaidh dha gach uile ghlùn,  
 Sìos le ùmhlachd anns an ùir.

- 2 Iosa ! 'n t-ainm os cionn gach luach  
 Do gach peacach dìblidh, truagh,  
 Bho 'n a dh' innseadh an deadh sgèul—  
 “Saoraidh Iosa 'shluagh gu léir.”

- 3 Iosa ! ainm an naoidhein naoinh ;  
 Ainm tha làn de thròcair chaoimh ;  
 Ainm a fhuair e a' chiad lò  
 'S an do bhlaiss e 'n cupan bròin.

- 4 Iosa ! 'n t-ainm, na aonar, trid  
 An tig furtachd, slàint', is sìth,  
 Dh' ionnsuidh sluaigh 'tha teann an sàs  
 Aig a' pheacadh 's aig a' bhàs.

- 5 Iosa ! 'n t-ainm a tha ion-ghràidh !  
 Ainm Mhic Dhé 'tha shuas gu h-àrd,  
 Trid an tig gach peacach truagh  
 Dhuitse dlùth, O Dhé nan Sluagh.

*B*HEIR sinn, ar Rìgh 's ar Slàn'ghear,  
 Dhuit cliù is glòir, gach linn,  
 Mar sheinn o shean a' chlann duit,  
 Gu h-ait, hosanna binn.

- 2 Is tu Ard-uachd'ran Isr'eil,  
 Mac Rìoghail Dhaibhidh mhóir,  
 'Tha teachd an ainm an Tighearn—  
 Aon bheannaicht'! 'Rìgh na Glòir'!  
*Bheir sinn, ar Rìgh, &c.*

- 3 A' seinn do chliù 's na h-àrdaibh,  
 Tha feachd nan aingeal grinn;  
 'S tha 'chruitheachd le 'luchd-àiteach'  
 A' freagairt dhaibh gu binn.  
*Bheir sinn, ar Rìgh, &c.*

- 4 Chaidh sluagh nan Eabhrach romhad  
 Le caithream àird 's le pailm,  
 'S tha sinne 'cur fa d' chomhair  
 Ar glaoidh, ar glòir', 's ar sailm.  
*Bheir sinn, ar Rìgh, &c.*

- 5 Roimh àm do chéusaidh bha iad  
 'Do d' ainm ro naomh a' seinn,  
 'S d' ar Rìgh-ne nis 's na nèamhan  
 Ard mholadh togar leinn.  
*Bheir sinn, ar Rìgh, &c.*

- 6 Ghabh thu gu caomh r' an cliù-san,  
 Ar glaodh-ne cluinn faraon,  
 A Dhé le 'n tlachd gach maitheas,  
 Ar Rìgh ro ghràsmhor, caoin.  
*Bheir sinn, ar Rìgh, &c.*

8,6,8,8,6.

14

67. ?

**A** SHLAN'GHEAR c' aite 'n teich luchd ciont  
 Ach thugad s' ann an cruais?  
 Is tus' a chuir an cath gu treun,  
 Bu leats' an crann 's an cupan geur.  
 'S fadheoidh bu leatsa 'bhuaidh.

- 2 Carson a chrom am Mac bho neamh  
 'S a leag E anam sios?  
 Carson a ghleachd thu ris a' nàmh,  
 'S a dh' fhuiling thu aig uair do bhàis  
 A mheud de chràdh, O Ios'?
- 3 A chum ar tearnadh fòs maraon  
 Le d' fhuil ro luachmhor fein,  
 Ar beannachadh le d' ghràs gun chrìch,  
 Le d' choron droighinn is le d' strì,  
 'S le d' bhuaidh air feadh gach ré.
- 4 A Thighearn' ghrasmhoir deonuich dhuinn  
 Bhi airidh air do ghràdh,  
 Cum sinn 'an umhlachd do d' thoil naoimh;  
 Am beath' 's am bàs 'n a' d' chomunn aigh  
 Gleidh sinn gach aon gu bràth.

L.M.

15

71. i.m.L. ?

**'N** UAIR sheallam air a' chrann ud féin,  
 Air an do bhàsaich Prionns' na glòir,  
 Mo bhuanachd tha mar chall gu léir,  
 Is m' uile mhòrchuis beag gu leòr.

- 2 Na leig, a Dhé, gu 'n deanams' uail,  
 Ach a crann ceusaidh Chrìosd, mo Dhia,  
 Na nithe faoin 'thug m' aire suas,  
 Na 'n iobairt bheir do fhuil mo Thriath.

- 3 Faic 'o a cheann, a làmh, 's a chas,  
Tha bròn is gràdh a 'sruthadh sìos,  
'N do thachair gràdh is bròn cho bras,  
'N d' rinn droighinn crùn do shamhuill prìs.
- 4 'M bu leam an saoghal 'n a fhad 's na leud,  
Bu thiodhlac e bhiodh beag gu leòr,  
'Thoill gràdh cho iongantach 'n a mheud,  
Mo bheatha, m' anam, 's m' uile stòr.

C.M.

16

*not in H. Dewar*

- T**HA sinne 'seinn mu bhàs ar Triath;  
'N uair thuit e thug e buaidh;  
"Tha 'n obair crìochnaicht'," thubhairt e,  
'S chlisg ifrinn shìos gu luath.
- 2 "Tha 'n obair crìochnaicht'," labhair e;  
Thug uaith d' a fhuil gach braon;  
Eiridh a rìogh'chd a nis a suas,  
Measg gineal chlann nan daoine'.
- 3 A chrann leag bunait daingean sìos  
Air son gach glòir is àigh,  
Tràth chaidh e trid ghlinn dorch a' bhàis  
Gu onoir àird gu bràth.
- 4 O dhaoine, togaibh suas ur guth  
Gu 'ionad glòrmhor shuas;  
Molaibh le òran 's binn-cheòl àrd,  
An tì a shaor a shluagh.
- 5 O ainglibh, togaibh suas ur ceòl  
'S ur guth gu fonnmhor, binn;  
Biodh nèamh is fonn 's gach dùil a th' ann,  
'Seinn cliù dha feadh gach linn.

7,7,7,7.

17

76

S. Dama 2

**D**H' EIRICH Crìosd a nìos o 'n uaigh,  
 Seinneadh na tha bhos is shuas;  
 Seinn, a thalaimh, seinn a nèimh,  
 Cuiribh uile 'chli am mèud.

- 2 Saorsa cheannaich e d' a shluagh,  
 Chuir e 'n cath, is fhuair e bhuaidh;  
 Dh' fhalbh an smal a bh' air a ghréin,  
 'S deàrrsaidh i gu sìor 'na dhéigh.
- 3 Clach, is faire, 's séul, cia faoin!  
 Glas na h-uaigh' chuir e fa sgaoil;  
 B' fhaoin do 'n bhàs a ghabhail sìos,  
 Dh' éirich e le buaidh a nìos.
- 4 Fèuch, a nis tha Iosa beò;  
 Ghabh e còmhnuidh shuas an glòir:  
 Thug a bhàs an gath o 'n bhàs,  
 'S chaill an uaigh a buaidh gu bràth.
- 5 Leanamaid-ne nis cos-cheum  
 Iosa Crìosd, ar Ceannard treun;  
 Aonta ris-san, 's leinn mar chòir,  
 Beatha mhaireannach an glòir.
- 6 Iosa ghlòrmhoir, so ar n-àgh,  
 Géill is cliù thoirt duit gu bràth;  
 Sìth is réite riut, gu fìor,  
 So a' bheatha shuthainn, shìor.

7,7,7,7.

18

77

K.

**'S** AIT an sgèul tha 'n diugh ra luaidh, Halleluiah!  
 Dh' éirich Iosa Crìosd le buaidh, Halleluiah!  
 Dh' fhuiling esan air a' chrann, Halleluiah!  
 'S shaor e sinn bho 'r n-uile chall. Halleluiah!

- 2 Laoidhean-molaidh bheir sinn dà,      Halleluiah  
 Rìgh nan rìgh a thà 's a bhà,      Halleluiah!  
 Fhuair e bàs is luidh 's an uaigh,      Halleluiah!  
 Shaoradh pheacach diblidh, truagh,      Halleluiah!
- 3 Ach b' iad 'àmhgharan 's a bhròn      Halleluiah!  
 'Choisinn duinn an t-saorsa mhór;      Halleluiah!  
 Tha e nis na 'Rìgh air nèamh      Halleluiah!  
 Measg nan ainglean 's àillidh sgèimh;      Halleluiah!
- 4 Seinneamaid do Dhia nan gràs,      Halleluiah!  
 Cliù buan-mhaireann mar a ghràdh;      Halleluiah!  
 Moladh còisir ainglean shuas      Halleluiah!  
 Trionaid bheannaichte nam buadh.      Halleluiah!

C.M.

19

85

K

N A geataidh òir tha togta suas,  
 Dh' fhosgail na dorsan àigh,  
 Tha Rìgh na glòir' air dol a steach  
 Gu àros 'Athar ghràidh.

- 2 Chaidh thusa, Ios', air tùs an àird  
 A dheanamh àit' dhuinn réidh,  
 Gu'm bitheamaid far 'bheil thu ghnàth,  
 A' mealtuinn làithreachd Dhé.
- 3 Is air ar slighe bhos a ghnàth,  
 Tha deàrrsadh soluis àill';  
 Tha soills' a' bristeadh cùl nan neul  
 A chuir ort uainne sgàil.
- 4 ♣ Ar n-inntinn tog, tog suas ar crìdh',  
 Thoir dhuinn gun dìth do ghràs,  
 Air chor 's ged bhios ar triall 's an t-saogh'l,  
 Gu'm bi ar maoin gu h-àrd.

- 5 A chum, ort féin ad chathair àird,  
 Ar dòigh gu'm bi 's ar gràdh ;  
 Fan annainn, chum gun dean sinn tàmh  
 Leat fein gu h-àrd gu bràth.

S.M.

20

*86. In' the church*

CHaidh thu a suas gu h-àrd,  
 Gu àros naomh na glòir',  
 'S mu 'n cuairt do d' chaithir-rìgh, gun tàmh,  
 Tha fonn nan clàrsach òir.

- 2 Tha sinne 'n so air chuairt,  
 Le peac' is bròn fo bheum ;  
 O, cuir an Comhfhurtair a nuas,  
 'S thoir sinn gu d' shuaimhneas féin.

- 3 Chaidh thu a suas gu h-àrd,  
 Mar churaidh làidir, treun ;  
 Ach thriall thu ceuman bròin is cràidh,  
 Gu crùn gu bràth nach tréig.

- 4 Le h-eagal diadhaidh 's bròn,  
 'S an ròd so gluaisidh sinn,  
 Oir treòraichidh e sinn fa-dheòidh,  
 Chum còmhnuidh leat gach linn.

- 5 Chaidh thu a suas gu-hàrd,  
 Ach thig an là gu luath,  
 'S am pill thu ris le caithream àrd  
 Uil' àrmait àigh nam buadh.

- 6 Le d' Spiorad saor, gu treun,  
 O stiùir ar ceum gach uair ;  
 'S thoir àite aig do dheas-làimh féin,  
 Trath dh' éireas sinn o 'n uaigh.

6,6,6,6,8,8.

21

89 Dewar

**B**IOBH ait, 's e Criosd is Rìgh !  
 Gach cumhachd tha 'na làimh ;  
 O Shìoin, seinn gu h-ait,  
 Is buadhaich thar do nàimh :  
 Togaibh ur crìdh' 's ur guth a ghnàth ;  
 Biobh ait, a naoimh, biobh ait gu bràth.

2 Tha Iosa 'rìogh'chadh shuas—  
 An Dia tha gràsmhor, fìor ;  
 'N uair ghlan e as ar ciont',  
 Shuidh e na chathair-rìgh ;  
 Togaibh ur crìdh' 's ur guth a ghnàth ;  
 Biobh ait, a naoimh, biobh ait gu bràth.

3 A rìoghachd mairidh chaoidh,  
 Air thalamh is air nèamh ;  
 Tha ifrinn 's bàs le chéil',  
 Fo chumhachd Rìgh nan naomh ;  
 Togaibh ur crìdh' 's ur guth a ghnàth ;  
 Biobh ait, a naoimh, biobh ait gu bràth.

4 Bidh e aig deas-làimh Dhé  
 'S an géill a naimhdean dà,  
 'S aig òrdugh àrd an Rìgh,  
 An sleuchd iad sìos na làth'r ;  
 Togaibh ur crìdh' 's ur guth a ghnàth ;  
 Biobh ait, a naoimh, biobh ait gu bràth.

5 Biobh ait an dòchas math ;  
 Tha Ios', am breitheamh, 'teachd,  
 Is bheir e suas a chlann,  
 D' an dachaidh shìor, gu beachd ;  
 Togaibh ur crìdh' 's ur guth a ghnàth,  
 Biobh ait, a naoimh biobh ait gu bràth



C.M.

22 91. *Burn*

**F**AILTE do dh' ainm ar Slàn'gheir, Ios' !  
 Sleuchdadh gach dùil gu luath ;  
 An coron rìoghail thugaibh leibh,  
 Is crùnaibh Rìgh nan sluagh.

- 2 Crùnaibh e, 'mhartaraich ar Dia,  
 'Tha gairm o 'altair shuas ;  
 Freumh Iesse àrdaichibh gu bràth,  
 Is crùnaibh Rìgh nan sluagh.
- 3 A ghineil thaghte Israél,  
 'Shaoradh o bhraighde truagh,  
 Fàiltichibh Ios', ur Slàn'ghear caomh,  
 Is crùnaibh Rìgh nan sluagh.
- 4 A pheacaich shaorta, cuimhnichibh  
 An domblas searbh, gach uair ;  
 Cuiribh ur tìodhlacan na lath'r,  
 Is crùnaibh Rìgh nan sluagh.
- 5 Gach uile phobull agus treibh  
 Tha 'n taobh a bhos de 'n uaigh,  
 Ard-chliù is urram thugaibh dhà,  
 Is crùnaibh Rìgh nan sluagh !
- 6 O, leis a' chuideachd lionmhoir shuas,  
 A fhuair troimh 'ainm-san buaidh,  
 Gu'm bitheamaid air feadh gach linn  
 A' crùnadh Rìgh nan sluagh !

8,7,8,7,4,7.

23 93. *K.*

**F**EUCHAIBH, 'naoimh, tha 'n sealladh glòrmhor  
 Faicibh Fear-a' bhròin 's na tàir',  
 Tigh'nn air ais o 'n chath le 'mhòrachd ;

Théid gach glùn da sìos gu làr ;  
 Crùnaibh, crùnaibh,  
 Crùnaibh gaisgeach treun nam blàr !

- 2 Aingle, crùnaibh Crìosd, an Slàn'ghear !  
 'S mór a chobhartach 's a bhuaidh ;  
 Glòir is cumhachd thugaibh dhàsan,  
 'S biodh a chliù gu h-àrd 'ga luaidh ;  
 Crùnaibh, crùnaibh,  
 Crùnaibh Iosa, Rìgh nam Buadh !
- 3 Naimhdean 'rinn, le crùn 's le séile,  
 Fanoid air Messiah caomh ;  
 Nis tha ainglean 's naoimh 'na chuideachd,  
 A' toirt cliù d' a ainm ro naomh ;  
 Crùnaibh, crùnaibh,  
 Sgaoilibh 'mach a chliù gach taobh !
- 4 Cluinnibh a' bhuaidh-chaithream àghmhor !  
 Iolach àrd gun sgur, gun sgìos !  
 Crìosd ga chrùnadh anns na h-àrdaibh,  
 Coimeas dà cha robh 's cha bhì !  
 Crùnaibh, crùnaibh  
 Triath nan Triath, is Rìgh nan Rìgh !

8,7,8,7,7,7,

24 94.

Cò e so' tha teachd o Edom,  
 Eideadh uile dait' am fuil ;  
 Saorsa do 'n tràill bhoichd ag éigheach ;  
 'Ghiùlan is a' thìodhlac maith ;  
 Glòirmhor sgeadaichte le buaidh,  
 Glòirmhor leis a' chreich a fhuair ?

- 2 Faic an so m' Fear-saoraidh buadhach,  
 'Siubhal ann am mèud a neirt ;  
 So 'm Fear-saoraidh, cluinn an luathghair  
 'Thog a shluagh ri glòir a theachd !  
 Iosa, tréun a nis 'thoirt saors'  
 Do gach neach a ta fo dhaors'.
- 3 Ciod i 'n fhuil 'tha dathadh 'éididh ?  
 Fuil nam mòran leagadh leis ;  
 Aon d' a nàmh cha d' fhàg 'na dhéidh,  
 Aon a chumadh ris 's a' ghreis :  
 Thuit 's cha 'n éirich iad gu bràth,  
 Shaltradh sìos an glòir gu làr.
- 4 Sud a rinn an tréun Fhear-saoraidh,  
 Seadh le ghàirdean féin amhàin ;  
 Faic a' chathair Dhàsan sgaoilte,  
 Cathair mhaireannach gu bràth ;  
 Duais a choisneadh leis gu daor,  
 Toradh glòirmhor 'uile shaoith'r.
- 5 'Ghaisgich bhuadhaich, righich suthainn !  
 Caith an crùn a choisneadh leat ;  
 'Chaidh cha sguir do shluagh a chliùthadh  
 Gach aon ni a rìnneadh leat :  
 Naimh do phobuil chathaich Thu ;  
 Truaigh do phobuil shlànaich Thu.

8,8,8,8,8,8.

25

107

~~And in 107~~

'N UAIR bhios na neòil 's an speur a' gleachd,  
 Na làithean dorch' 's na càirdean tearc,  
 Mo thaic bidh air a' charaid ghaoil  
 A dh' iomchair uile àmhghar dhaoin' ;  
 Mo dhìth 's mo gheilt 's ann dà is léir,  
 'S leis cunntar 's taisgear suas gach dèur.

- 2 Gu seachran ma bhios m' anam buairt'  
 Bho cheum an ionracais 's na stuaim',  
 A sheachnadh aon nì mhaith bha 'm shùil,  
 No dhèanamh nì nach robh am rùn,  
 An tì a bhuadhaich thar gach nàmh,  
 Cumaidh e suas mi 's a' chruaidh-chàs.
- 3 An uair bhios m' acain trom a thaobh  
 Gun d' fhàs rium fallsa luchd mo ghaoil,  
 Nì esan còmhnaidh leam e féin,  
 A fhuair 's an t-saoghal bròn is péin ;  
 Thréigeadh is bhrathadh e d' a nàimh,  
 Leòsan a dh' ith 's a dh' òl o 'làimh.
- 4 'N uair dh' éireas smuaintean goirt am chridh',  
 'S a leagas uamhas m' anam sìos,  
 An tì aon uair a lùb a chluas  
 Gu caoin ri cnead a' chridhe thruaigh,  
 Cuiridh gach doilghios-crìdh' air chùl,  
 'S gù bàigheil tiormaichidh mo shùil.
- 5 'N uair ruitheas deòir a sìos mo ghruaidh,  
 Thar caraid gaoil ga chur 's an uaigh,  
 A ghuth, a làmh, is aoibh a ghnuis',  
 Ga 'm falach seal o bheachd mo shùl,  
 A Shlàn'gheir, faic mo dheura searbh,  
 Oir ghuil thu féin thar Lasaruis marbh.
- 6 Is O, 'n uair bhios mi réidh 's an saogh'l,  
 'S gach deuchainn seachad ach an t-aon,  
 Cum thusa 'n sin mo mhisneach suas,  
 Oir luidh thu féin fo 'n bhàs car uair' ;  
 Seòl mi gu tìr an t-soillse bhuain,  
 'S an deur mu dheireadh siab o m' ghruaidh.

7,7,7,7.

26

152

R B

'N UAIR, le bron, ar cinn tha crom,  
 'N uair tha sinn ri sileadh dheur,  
 'N uair tha sinn fo mhulad trom,  
 Iosa, mhic na h-Oighe, éisd.

- 2 Ghiùlain thus' ar nàdur fann ;  
 Shil 'n ar coslas iomadh deur ;  
 Chrom le bron gu tric do cheann ;  
 Iosa, mhic na h-Oighe, éisd.
- 3 'N uair bhios coronach a' bhàis  
 'Seirm aig siubh'l ar n-anma féin,  
 'N uair a bhios sinn anns a' chàs,  
 Iosa, mhic na h-Oighe, éisd.
- 4 Chrom thu féin 's a' bhàs do cheann ;  
 Dhòirt thu d' fhuil air a' chrann-cheus' ;  
 Luidh thu fhéin 's an leaba theann ;  
 Iosa, mhic na h-Oighe éisd.
- 5 'N uair tha 'n cridhe bàitht' 'n ar cóm,  
 'Cuimhneach' air ar peacadh breun ;  
 'N uair le geilt tha 'n spiorad trom,  
 Iosa, mhic na h-Oighe, éisd.
- 6 B' aithne dhuitse nàir' is tàir,  
 Air son ciont' nach bu leat féin ;  
 Chrom thu fodhpa gus an làr ;  
 Iosa, mhic na h-Oighe éisd.

8,7,8,7,4,7.

27 106. K ~~2~~

FEUCH e 'teachd le neul gu greadhnach,  
 Dh' fhulang air son pheacach truagh ;  
 Mìle mìle naomh 'na 'chuideachd,  
 Air a threubhachas a' luaidh ;  
 Hallelùiah !  
 Thàinig Dia mar rìgh a shluaigh !

2 Chì, a nis, gach uile bheò e,  
 Sgeadaichte le anbharr glòir ;  
 'N dream a reic is leis nach b' fhiù e,  
 'Lot 's a chiùrr an Slàn'ghear mòr,  
 Am Messiah  
 Chì an sùil, le caoidh is deòir.

3 'Feichidh roimhe nèamh is talamh,  
 Leis gach eilean, cuan, is beinn ;  
 'S a luchd-fuath', le geilt is uamhas,  
 Cluinnidh 'n trompaid chruaidh a' seinn—  
 Thigibh uile,  
 Thigibh, a chum cùirt is binn' !

4 Feuch, a' teachd an t-slàinte shìorruidh,  
 Iarrtas iomadh ùrnuigh ghéir ;  
 Is na naoimh bha cian fo dhìmeas,  
 Bheir dha còmhdhail anns an speur ;  
 Hallelùiah !  
 Faicibh latha glòrmhor Dhé.

5 Seadh, Amen, gach uile chliù dhuit,  
 Air do chathair-rìoghail shuas !  
 Gabh, a Shlànaigheir, do chumhachd,  
 Glac an rìoghachd mar do dhuais ;  
 Thig gun mhoille !  
 Dhia neo-chrìoch'naich, thig a nuas !

12, 12, 12, 12.

28 in H.

m<sup>c</sup>R.

O SEINNIBH gu binn do Iehòbha ar slàinte,  
Do dh' Iosa, ar Rìgh, 'choisinn sòlas nach  
fàilnich;

Trid éifeachd na fala, chum glanadh o eu-ceart,  
Theid peacadh air chùl, ged a b' àird' e na sléibhtean.

Moladh sìorruidh biodh do 'n Uan,  
A thug saors' o gach bròn duinn;  
Air a chliù ni sinn luaidh,  
'N uair a theid sinn thar Iòrdain.

2 Ge neò-ghlan ar cridh' 's sinn fo uallach le eu-ceart,  
Ar n-anma gheibh sìth 's maithear dhuinn ar n-uil'  
eucoir;

Gheall Ios', ar Fear-saoraidh, a bheannachd 's a  
ghràs duinn,

Is fuasgladh o dhaorsa gach aoin 'tha 'g ar sàrach'.

3 Tha 'n t-àm a nis dlùth anns am fàg sinn an saoghal,  
Le sìth air ar gnùis 'teachd o ghràs an Fhir-shaoraidh;  
Bidh solus na glòire 'toirt sòlais d' ar n-anam,  
Is sgoiltear sruth Iòrdain, 's le deòin theid sinn thairis.

L.M.

29 140 - K.

1 A SPIORAD Dhé, o chian a ghluais  
Air aghaidh dhorch' nan uisge fàs,  
Thig 'n uair a bhios ar cridhe fuar,  
Is dùisg ar n-aighe suas le d' ghràs.

2 'S e 's ainm duit neart is sìth le chéil,  
Cumhachd gun chrìch, is gradh ro naomh;  
Do shamhladh doinionn gharg nan spéur,  
Is tàladh sèimh a' chalmain chaoimh.

3 Coimhead, is stiùir, is cum sinn suas  
 Le còmhnaidh mòr do ghàirdein thréin ;  
 Na tréig an crìdh a bha aon uair  
 Na ionaid-còmhnuidh naomh dhuit fhéin.

4 Na mùchamaid do shoillse grinn ;  
 Ar n-anna gluais le d' anail chaoimh ;  
 O teagaisg agus treòraich sinn,  
 A Chomhfhurtair, a Spiorad Naomh !

6,6,8,6.

30

143 - K.

1 **A** SPIORAID Dhé nam Feart,  
 A' d' aimsir thaitneach fhéin,  
 Thig nuas mar thàinig thu le d' neart,  
 'S a' Chuingis mhòir o chéin.

2 Tha sinne cruinn le chéil',  
 A' d' lath'r, a réir ar gnàth,  
 A' feitheamh gealladh mór ar Dé,  
 Spiorad an uile ghràis.

3 Mar thréun-ghaoith 'thig a nuas,  
 A' dùsgadh suain nan tonn,  
 'N ar n-inntinn is 'n ar n-anam gluais  
 Aon togradh is aon fhonn.

4 Do 'n òg 's do 'n aosda fòs  
 O deònaich gliocas àigh ;  
 Thoir teang' is cridhe lasrach, beò,  
 Chum ùrnuigh, glòir', is gràidh.

5 Spioraid na soillse, thig ;  
 Gach mùig 's gach gruaime tog dhinn,  
 Mar ghrian na maidne 'dìreadh suas  
 Gu latha iomlan, grinn.



C.M.

31 144. *Clark*

- 1 **A** SPIOROID Naoimh, r' ar n-ùrnuigh éisd,  
'S an tigh so, O dèan tàmh,  
Tùrling le d' fheartan àrd' gu léir,  
O Spioraid Dhé, gun dàil.
- 2 Thig mar an solus, 's foillsich dhuinn  
Ar cor 'tha bochd is truagh,  
Is air na céuman treòraich sinn,  
'Tha cleachdte aig do shluagh.
- 3 Thig mar an teine, 's glan ar crìdh',  
Mar lasair ìobairt' naoimh,  
A chum, làn-choisrigte do Chrìosd,  
Gu'm bi sinn nis 's a chaoidh.
- 4 Thig mar an drùchd le braonaibh tlàth',  
'G ar n-ùrachadh le d'bhuaidh ;  
Is fàsaidh toradh trom is blàth,  
Bho 'n fhearann thioram, chruaidh.
- 5 Mar chal'man thig, le sgiathan sgaoilt',  
Na sgiathan caomhail, sèimh,  
'S bidh 'n Eaglais, eadhon anns an t-saogh'l,  
Beannaicht' mar tha air nèamh.
- 6 Thig mar a' ghaoth, le neart is fuaim,  
Air Là-na-Cuingeis mór,  
'S gu'm faic gach fine agus sluagh  
Do ghnùis làn gràis is glòir'.
- 7 A Spioraid Dhé, r' ar n-ùrnuigh éisd ;  
'S an t-saoghal chaillt' gabh tàmh ;  
Tùrling le d' fheartan àrd' gu léir,  
O Spioraid Dhé, gun dàil.

1 **S**EIDIBH, le trompaid chruaidh,  
 An fhuaim tha aoibhinn, ait,  
 'Thoirt fios mar thaisbean Dia,  
 Do 'n t-saogh'l a ghràs gu pailt'.  
 Tha bliadhna Iubilé air teachd ;  
 Pillibh, a pheacaich shaorta, 'steach.

2 Iosa, ar 'sagart àrd  
 Le 'bhàs làn réite rinn ;  
 'Luchd-trioblaid, gabhaidh tàmh,  
 'An Crìosd air feadh gach linn.  
 Tha bliadhna Iubilé air teachd,  
 Pillibh, a pheacaich shaorta, 'steach.

3 Ardaichibh Uan ar Dé,  
 An t-Uan thug ciont air falbh ;  
 Air slàinte shaoir, troimh 'fhuil,  
 Gabhadh gach aon neach seilbh.  
 Tha bliadhna Iubilé air teachd ;  
 Pillibh, a pheacaich shaorta, 'steach.

4 A bhraighde truagh 'tha 'n sàs,  
 Làn shaorsa gabhaibh leibh ;  
 Air tèaruinteachd gu bràth,  
 Le Iosa gheibh sibh seilbh.  
 Tha bliadhna Iubilé air teachd ;  
 Pillibh, a pheacaich shaorta, 'steach.

5 Sibhse a reic gu faoin  
 An oighreachd ghlòrmhor shuas,  
 Gabhaibh a' ghibht air ais,  
 Gun airgiod is gun luach.  
 Tha bliadhna Iubilé air teachd ;  
 Pillibh, a pheacaich shaorta, 'steach.

6 Trompaid an t-Soisgeil cluinn—  
 Deadh sgèul na slàinte saoir!  
 A chreidmhich, thigibh dlùth  
 An làth'r ur Slàn'gheir chaoìn.  
 Tha bliadhna Iubilé air teachd;  
 Pillibh, a pheacaich shaorta, 'steach.

8,5,8,3.

33

159

~~Am~~

1 'BHEIL thu sgith, am bheil thu claidhte,  
 'Bheil thu 'n amhghair chruaidh?  
 Thig gu 'm ionnsuidh-sa, deir aon neach,  
 Is gabh cluain.

2 Am bheil comharan gu 'm stiùradh  
 Dhomh ma ni E iùil?  
 Ann a chois 'na thaobh 's n'a lamhan,  
 Lotan ùr.

3 Am bheil crun air, mar air righrean,  
 Maiseach air a cheann?  
 Tha da-rìreadh, ach do dhroighin,  
 Sin a th' ann.

4 Ma 's e gu 'm faigh 's gun lean mi e,  
 Ciod a dhuais an so?  
 Iomadh cruaidh-chas agus deuchainn,  
 Ceusaibh ghoirt.

5 Ach ma leanas mi gu dluth e,  
 Ciod fadheoidh a dhuais?  
 Buaidh air bron is crìoch air obair,  
 Oighreachd shuas.

6 Ma ghuidheas mi gu'n gabh e mi —  
 Rium an cuir e cul?  
 Fhad s'a mhaireas neamh a's talamh  
 O cha diult.

Tha an t-òran seo air a chluinntinn ann an  
 Ocha St. ...

- 7 Faotainn, leantuinn, daingean, saoth' reach,  
 'M beannaich e gu fìor?  
 Freagraidh faidhean, naoimh is ainglean,  
 Nì gun dith.

8,6,8,6,4.

34 *Al. A m' 72, 74*

- 1 **P**ILL dhachaidh, pill, O ànraich fhaoin,  
 Tha d' Athair caomh ga d' ghairm;  
 Na buanaich air do shlighe chlaoin  
 Ag itheadh phlaosg gun tairbh':  
 O pill, O pill!
- 2 Pill dhachaidh, pill, O ànraich fhaoin,  
 'S e guth d' Fhir-shaoraidh 'th' ann;  
 Cluinn Céile 'n Uain, 's an Spiorad Naomh,  
 'S gu baile-dìdein teann:  
 O pill, O pill!
- 3 Pill dhachaidh, pill, O ànraich thruaigh,  
 'S e 'n caothach cruaidh dhuit dàil;  
 Chan fhaighear aithreachas 's an uaigh,  
 'S neo-bhuan tha là nan gràs:  
 O pill, O pill!

7,6,7,6.

35 *mt. H. mt. K.*

- 1 **I**NNIS domh 'n sgeul, an seann sgeul *in Clark*  
 Mu nithean nèamhaidh àrd'—  
 Mu Iosa, is a mhorachd—  
 Mu Iosa, is a ghràdh.

- 2 Is dean an sgeul soilleir dhomb,  
 Mar dh' iarradh leanabh òg;  
 Oir tha mi mall 's an intinn,  
 Trid truaill'eachd, is cion treoir.

- 3 Le socair shèimh aithris dhomh,  
     'S gu' n tog mi seadh is brìgh  
 A' sgeòil tha cho iongantach  
     Mu 'n t-saorsa 'tha tré Chrìosd.
- 4 Aithris dhomh gu minic e,  
     'S mo chuimhne air bheag stà—  
 Tha òg-dhealt mhaoth na maidne  
     A' tiormachadh gach là.
- 5 Innis air mhodh druigheach e,  
     Gu ciùin agus gu fòil ;  
 Oir 's mise féin am peacach  
     Air am bheil Ios' an tòir.
- 6 An sgeul so luaidh a ghnàth dhomh  
     Ma 's àill leat gu'm bi sìth  
 N' àm na trioblaid, is na teinn  
     A' gabhail tàimh 'am chrìdh'.
- 7 'S an aon seann sgeul dean aithris,  
     An uair tha aobhar fiamh, .  
 Gu'm bheil an saogh'l carach so  
     'Gam mhealladh le a mhiann.
- 8 Seadh, 's 'n uair bhios glòir an t-saogh'l ud  
     A' dealradh orm o'n àird,  
 An seann sgeul bi 'g innseadh dhomh  
     " 'Tha Ios' 'gad dheanamh slàn."

C.M.D.

36

172. R. B

- I GUTH Iosa chuala mi ag ràdh,  
     "Thig thugain is gabh fois ;  
 Leag sìos air m' uchd do cheann 's tu sgìth,  
     Leag sìos e 's bi aig clos."  
 Chum Iosa thàinig mi mar bhà,

Sgith, sàraicht', agus tróni,  
Is fhuair mi annsan ionad-tàimh,  
'S air m' aigne chuir e fonn.

2 Guth Iosa chuala mi ag ràdh,  
"Feuch bheir mi seach gu saor  
De dh' uisge fìor, cróm sìos is òl  
A fuaran beò nach traoigh."  
Chum Iosa thàinig mi is dh' òl  
De 'n t-sruthan bheò nach gann;  
Bha m' ìota caisgt', fhuair m' anam neart,  
'S mo bheatha nis tha ann.

3 Guth Iosa chuala mi ag ràdh,  
"Is mise soills' an t-saogh'l;  
Seall rium, 's a' mhadainn dealraidh ort,  
'S do là bidh geal a chaoidh."  
Chum Iosa sheall mi agus fhuair,  
Annsan mo réul 's mo ghrian;  
'S an t-Solus glan so gluaisidh mi,  
Gu deireadh làith mo thriall.

C.M.

37

174 A h-2nd

I **T**HA tobar ann 's e làn de dh' fhuil  
A shruth o chuislean Ios';  
'S gach peacach théid a sìos fo 'n tuil,  
Glan buileach thig e nìos.

2 An gaduich dh' fheuch is ri uchd bàis,  
'S rinn gàirdeachas nẽo-ghann;  
'S rinn mise fòs—cho ~~ole~~ ris fhéin—  
M' uil' éu-ceart ionnlad ann!

3 O uain mo ghràidh, d' fhuil phrìseil, bhlàth,  
Cha chaill gu bràth a brìgh,

bhlàn as

fhuil

Gus am bi mhuinntir shaort' air fad,  
Bho 'm peacadh glan d' a trìd.

4 Bho 'n dhearc mo shùil ri d' chréuchdan ciùrrt',  
A' brùchdadh cungaidh shlàint',  
Gràdh-saoraidh Chrìosd 's e tha mi 'luaidh,  
'S a bhios gu uair mo bhàis.

5 'N sin seinneam òran 's milse ceòl,  
Air cumhachd mór do ghràis,  
'N uair bhios an teanga mhanntach, thruagh,  
Gu balbh 's an uaigh' na tàmh.

6 'Dhé, 's deimhin leam gun d' ullaich thu  
Do d' òglach bochd nach fiù,  
Luach-fola saor gu h-àrd an glòir—  
Cruit òir a sheinn do chliù.

7 Chuir cumhachd Dhé gach téud air dòigh,  
'S a ceòl, gu sìorruidh, buan,  
Nì seirm an cluasan Dhé nan gràs,  
Air ainm 's air bàs an Uain.

C.M.

38

1872 R.B.

1 **O** THRIATH na pill do ghnùis air falbh  
Bho 'n dream ro ìosal tà  
A' caoidh gu goirt am peacaidh fhéin,  
Le deòir is éigheach àrd.

2 Do dhorsan tròcair fosgailt' tha  
Do 'n dream a tha fo bhròn;  
Na dùin iad oirnn, a Thriath nan gràs,  
'S theid sinn a stigh d' ar deòin.

- 3 Ar ciont' cha chuirear leinn an céill,  
Oir 's aithne dhuit gach sìon ;  
Gach nì a rinn 's gach nì a tha,  
'S léir dhuit o cheann gu crìch.
- 4 Tha sinn le osnaidh 's guidhe ghéir,  
'S le deòir a' teachd a' d' làth'r,  
Mar strìochdas clann eas-ùmhail, chlìth,  
Aig glùn an athar ghràidh.
- 5 An ruig sinn leas, ma tà, a Thriath,  
Ar n-iarrtais chur an céill ?  
Mu 'n labhrar iad is aithne dhuit  
Ar n-uireasbhuidh gu léir.
- 6 Tròcair, O Dhé nà tròcair chaoimh,  
'S e sud tha oirnn a dhìth ;  
'S i tròcair fàth ar n-athchuinge—  
O thigeadh i an sìth.

7,7,7,7.

39

185

?

- 1 **P**EACACH, truagh, 's mo mhiann air slàint' ;  
'N sàs, 's mi 'n geall air faotuinn saor ;  
Sgèith, 's mi 'n dùil ri fois is tàmh :  
'Dhe, dean tròcair orm gu caomh.
- 2 Maitheas cha 'n 'eil ann am chom,  
Tha mi buileach peacach, claon ;  
Tha mi 'teachd le m' éisean trom' ;  
'Dhe, dean tròcair orm gu caomh.
- 3 Cridhe briste 's gnùis fo phràmh  
Cha bhi dàna 'dh' iarraidh saors' ;  
M' osnaich tuigidh tu do ghnàth :  
'Dhe, dean tròcair orm gu caomh.



- 4 Ugad teicheamsa gun dàil  
 O mo chridhe gràineil, claon ;  
 'S leatsa mi le còir gach là :  
 'Dhe, dean tròcair orm gu caomh.
- 5 Ann an Aon ghin Mhic do ghràidh,  
 'Th' ann an cathair àird ri d' thaobh,  
 Tha mi 'cur mo dhòigh do ghnàth :  
 'Dhe, dean tròcair orm gu caomh.
- 6 Gabhaidh e mo chùis 'na làimh,  
 Mar fhear-tagraidh àrd gu saor ;  
 'S ann 'tha m' earbsa, 's air a sgàth,  
 'Dhe, dean tròcair orm gu caomh.

7,7,7,7,7,7.

40 191-

not a k.  
I m'k?

- 1 'CHREAG a sgoilteadh air mo sgàth,  
 Ann a d' sgàil sìor ghabhainn tàmh ;  
 Biodh an fhuil 's an t 'uisg' faraon,  
 'Mach bho leoin do thaoibh a thaom,  
 'G ionnlaid uam mo pheac' 's mo thruaigh :  
 Glan o' chiont' is saor' o 'bhuaidh.
- 2 Cha choimhlion saoth'r fhaoin mo laimh  
 Iarrtais naoimh do lagh gu brath :  
 Buan 'o gun sgios ged bhitheadh m' eud,  
 Ged gu sìor a shillinn deoir,  
 Diol cha deanadh so a m' fheum ;  
 'S tus' a mhàin tha 'n tearnadh treun.
- 3 Ni 'n a' m' laimh cha 'n 'eil ra thaigrs',  
 Ri d' chrann-ceusaidh tha mi 'n earbs' ;  
 Lomnochd, dh' iarrainn comhdach fìor,  
 Anfhann-ghuidhinn comhnadh sìor,  
 Neoghlán, ruigeam tobar ghràis ;  
 Ionnlaid mi, no gheibh mi bàs.

- 4 Fhad 's a thà n' am' chridhe plosg  
 'Nuair a dhùineas bàs mo rosg,  
 'Nuair an aird a shuibhblas mi,  
 'S tus' air cathair glòir a chì,  
 'Chreag a sgoilteadh air mo sgàth,  
 Ann a d' sgàil sìor ghabhlann tàmh.

7,7,7,7,D.

41.

143-

m - K

m R. ?

- 1 **I**OSA 'thug do m' anam gradh,  
 Teichidh mi gu 'd ionnsuidh fein,  
 'N uair tha uisgean brath mo bhath'  
 N uair tha 'n doinnean dobhaidh beur.  
 Dion mi, O mo Shlan'ghear, dion,  
 Fhad 's a mhaireas stri na gaoith,  
 Anns a' chaladh aghmhor, shior,  
 Gabhsa m' anam steach fadheoidh.

- 2 Didean eile cha 'n 'eil ann,  
 'N crochadh riut tha m' anam truagh,  
 Oh, na fag mi 's mi cho fann,  
 Thoir dhomh solas 's cum mi suas.  
 M' uile dhochas th' annad fein,  
 M' uile chomhnadh uait' a teachd,  
 Comhdaich fein fo sgàil do sgéith,  
 Mo cheann gu'n dion 'tha gu beachd.

- 3 Thusa 'Chriosd tha orm a dhìth,  
 Annad tha gach ni a' tàmh,  
 Tog na dìbrich, thoir dhoibh clì,  
 Stiuir na doill, 's an tinn dean slàn.  
 Ceart is naomha a tha t-ainm,  
 Mis' tha làn do thruailleachd bhreun,  
 Cealgach, làn do chiont a taim,  
 Làn tha thus' de ghràs gu léir.

- 4 Gràs gu saoibhir annad tha,  
 Gràs a dh' fholach m' uile lochd,  
 Thigeadh sruithibh glan na slàint,  
 Dean is gleidh mi geal mar shneachd.  
 'S tusa tobar glan na bith,  
 Gabhamsa gu saor dhiot fein,  
 Bruchdsa suas gu beò am chrìdh',  
 Eirich suas gu siorruidh céin.

7,6,7,6,D.

42

194- R.B.

- 1 **M**O pheacaidh leag air Iosa,  
 Uan caomh, neo-lochdach, Dhé ;  
 Làn ghiùlain e gach aon diubh,  
 Is shaor o 'n eallach bhréun.
- 2 Thug mi mo chiont' gu Iosa,  
 Gu m' ionnlad o gach sal,  
 Tur glan' na fhuil ro luachmhoir,  
 A rinn an corcur geal.
- 3 M' uil easbhuidh leag air Iosa ;  
 Gach lànachd annsan tha ;  
 'S e léighseas m' uile éucail,  
 'S a shaoras m' anam cràidht'.
- 4 Leag mi mo bhròn air Iosa,  
 Gach uallach is gach càs ;  
 Bheir e dhomh uapa fuasgladh,  
 'S am bhròn gu'n gabh e pàirt.
- 5 Tha m' anam 'n taic ri Iosa,  
 An t-anam sgìth fo phràmh ;  
 A làmh dheas tha mu 'n cuairt orm,  
 'S air 'uchd-san tha mi tàmh.

6 Is ionmhuinn leam ainm Iosa,  
Immanuel, Crìosd, an Triath ;  
Mar fhàile milis, cùbhraidh,  
Tha 'ainm-san sgaoilt' an cian.

7 Bu mhiann leam bhith mar Iosa,  
Séimh, macant', bàigheil, ciùin ;  
Bu mhiann leam bhith mar Iosa,  
Do Dhia am leanabh rùin.

8 Bu mhiann leam bhith le Iosa,  
Gu h-àrd am measg a shluaigh,  
A' seinn le naoimh a chliù-san,  
Is òran ait na buaidh'.

L.M.

43 196 *Deum*

1 **I**OSA, 's iad d' fhuil is d' fhìreantachd  
Mo thrusgan briagh 's mo ghlóir, gu beachd,  
Fo 'n tog mi 'n àird gu h-ait mo cheann,  
'N uair loisgear suas an saogh'l 's na th' ann.

2 'S an là sin seasaidh mise, Dhé,  
Le aoibhneas àrd am measg do thréud ;  
Có dhìteas mi, no dhiùltas sìth,  
'S mi giùlan fireantachd an Rìgh ?

3 An uair a dh' éireas mi o 'n uaigh,  
A thagar oighreachd shuas le d' shluagh,  
M' aon bhunait daingean ann ad làth'r,  
'S iad fuil an t-Slàn'gheir is a bhàs.

4 O dùisg na mairbh le d' ghuth, a Dhé,  
'S cuir aiteas-crìdh air d' fhòg'raich chéin ;  
An trusgan briagh 's an glòir, gu beachd,  
Iosa, 's iad d' fhuil is d' fhìreantachd.

6,6,4,6,6,6,4.

44

197

*M'Kechan*

1 **L**E creideimh seallaidh mi  
 Riut fhéin, Uain Chalbharì,  
 Mo Shlàn'ghear naomh ;  
 Nis éisd ri m' ùrnuigh ghéir ;  
 Glan uam mo chiont' gu léir ;  
 O bitheam beò dhuit fhéin,  
 Na dhéigh so chaoidh.

2 O biodh do ghràs gach àm  
 'Toirt treòir do m' chridhe fann ;  
 Dèan m' èud na 's mò ;  
 Bho 'n bhàsaich thu gu m' dhìon,  
 O biodh mo ghràdh dhuit fìor,  
 Glan, beothail, 's buan gu sìor,  
 Na ghrìosaich bheò

3 Troimh fhàsach dorch an t-saogh'l,  
 Is teinn 'tigh'nn orm gach taobh,  
 Dèan fhéin domh iùl ;  
 An duibhre dùisg gu là,  
 Siab uam dèur bròin is cràidh,  
 Mo chéuman stiùir a ghnàth  
 Gu tàmh dhuit dlùth.

4 An uair thig crìoch mo làith,  
 'S sruth duaichnidh fuar a' bhàis  
 Ag iadhadh dlùth,  
 A Shlàn'gheir chaoimh, na tréig  
 Cuir geilt 's an-earbs' an céin ;  
 O giùlain mi gun bhéud,  
 A sheinn do chliù.

Plagiarised from  
A.C.

42

L.M.

45/198-

- 1 **O** M' anam éisdsa guth an Triath,  
Is e t' fhear-saoraidh, éisd a bhriathr',  
Tha Iosa labhairt riutsa 'nuas,  
"An toigh leat mise 'pheacaich thruaigh?"
- 2 "Shaor mis' thu 'nuair a bha thu 'n sàs,  
Do chreuchda fuilteach cheangail foil,  
Bho anradh seachrain phill mi thu,  
'S do dhorchadas gu solus dhùisg.
- 3 "An dibir maithr' a caoimhneas caomh,  
A thaisbeanadh d'a leanabh maoth?  
Seadh, feudaidh ise bhi gun rùn,  
Ach fathast caidridh mise thu.
- 4 "Mo ghràdhsa tha gun chaochladh, buan,  
Nis àirde na na neamhaibh shuas,  
Nis doimhne na an aigean shìos,  
Nis treis 'nam bàs, is saoibhir fìor.
- 5 "Mo ghlòirsa chi thu 'n uine ghearr,  
An uair thig crìoch air obair gràis,  
Is sealbh bìdh agad ann 'am riogh'chd,  
A pheacaich thruaigh an toigh leat mi?"
- 6 A Thighearn 's e mo ghearan àrd,  
Cho fuar is fann 's a tha mo ghràdh,  
Och s' toigh leam thu; dhuit seinneam ceòl,  
O, gràs gu 'd ghràdhachadh nis mò.

C.M.

46 201 - Dr. H. K. H.

- 1 **C**IA milis ainm an t-Slà'n'gheir chaoimh,  
An cluas a' chreidmhich bhoichd!  
Caisgidh e bròn is leòn nan naomh,  
Gun eagal orr' roimh lochd.

- 2 An spiorad brùite nì e slàn,  
A' fuadach cràidh o 'n chrìdh' ;  
Mar mhàna nì e 'n t-acrach làn,  
'S bheir tàmh do 'n ast'rach sgìth.
- 3 Ainm ionmhuinn ! 'stu mo charraig threun,  
Mo thèarmunn anns gach càs,  
'S tu m' ionmhas cinnteach anns gach teinn,  
Trìd iomlanachd do ghràis.
- 4 'S ann uait gheibh m' ùrnuigh freagradh gaoil,  
Ged thoill mo chionta smachd ;  
'S a dh' aindeoin gamhlas Prionns an t-Saogh'l,  
Aidichear mi mar mhac.
- 5 Iosa, mo Bhuachaill, 's Fear mo ghràidh,  
Mo Shagart, m' Fhàidh, 's mo Rìgh ;  
Mo Thriath, mo Bheatha, is m' Fhear-iùil,  
Gabh dìu o d' thruaghan sgìth.
- 6 Ge meata m' oidhirpean an tràths',  
Ge fann mo ghràdh 's mo ghlòir,  
'N uair bhios mi maille riut gu h-àrd  
Molaidh mi mar is còir.
- 7 Gu sin biodh plosgartaich mo chré  
A' cur an céill do ghràis,  
'S biodh d' ainm 'na cheòl domh fad mo ré,  
'S 'na stéidh aig àm mo bhàis.

8,8,6,D.

47

241. Dawn

- 1 C IA milis dhòmhsa gràdh mo Dhia !  
O sgaoil e ann am chrìdh gu fial,  
A Dhé, le d' Spiorad Naomh.  
Tha m' anam 'plosgartaich gu dian,  
Air m' fheòil tha ciocras agus miann,  
An déigh do ghràidh ro chaomh.

- 2 'S e 'n gràdh tha dol os cionn gach smaoin,  
 An doimhneachd mhór do chlann nan daoin',  
 A dh' fhoillsich Crìosd na 'bhàs ;  
 Tha aingle 'sealltainn air gu géur,  
 A dh' fhaicinn 'airde, 's 'fhad, 's a lèud,  
 Ach so cha'n fhaic gu bràth.
- 3 'S eòl duitse mhàin an gràdh so, Dhé,  
 A dhoimhneachd mhór 's ann duit is léir ;  
 O lìonadh e mo chrìdh' !  
 Air so tha m' anam uile 'n tòir ;  
 Biodh so na chuibhrionn domh, 's is leòir,  
 Air feadh gach linn gu sìor.
- 4 Oir nì sam bith a tha fo 'n ghréin,  
 Cha choimeas mi ri d' ghràdh, a Dhé,  
 No nì 's na nèamhan àrd' ;  
 Cha toir an domhan 's na bheil ann,  
 No nì a bheir do làmh do d' chlann,  
 Dhoibh sòlas gun do ghràdh.
- 5 O sgaoil e ann am chrìdh' gu fial ;  
 O deònach dhomh thu fhéin, mo Dhia,  
 Is gheibh mi fois gu bràth.  
 Air m' fheadhail tha ciocras agus miann,  
 Tha m' anam 'plogartaich gu dian ;  
 O lìon e le do ghràdh !

7,7,7,7,7,7.

48

217

K

- 1 'N UAIR théid as do 'n chruinne-ché,  
 N uair a smàlar grian nan spéur,  
 'N uair bhios sinn le Iosa shuas,  
 'Meòrachadh air sgèul ar cuairt,  
 Dhia, 's an là sin tuigear leam  
 M' fhiachan duitse—O cia trom !



- 2 'N uair bhios mi an làthair Dhé,  
 Ann am maise nach leam fhéin,  
 'N uair a chì mi thu gun sgàil,  
 'S mi gun truaill eachd ann am ghràdh,  
     Dhia, 's an là sin tuigear leam  
     M' fhiachan duitse—O cia trom !
- 3 'N uair bhios òrain nèimhe shuas,  
 'Fuaim mar thàirneanach am chluais,  
 Cruaidh mar thoirm nan uisge mòr,  
 Binn mar chruit is mìlse glòir,  
     Dhia. 's an là sin tuigear leam  
     M' fhiachan duitse—O cia trom !
- 4 Mar troimh ghloine, no troimh cheò,  
 Nochd dhuinn anns an t-saogh'l do ghlòir ;  
 Deònaich maitheanas gu caoin,  
 S còmhnaidh deas do Spioraid Naomh ;  
     'S anns an t-saogh'l so tuigear leam,  
     Càileigin de m' fhiachan trom'.
- 5 Maitheas agam cha'n 'eil dad,  
 Teasairgte o dhìteadh grad,  
 Slàn an taobh mo Shlàn'gheir chaoimh,  
 Naomhaicht' leis an Spiorad Naomh,  
     Anns an t-saogh'l so nochdar leam,  
     Troimh mo ghràdh dhuit, m' fhiachan trom'.

8,7,8,7.

49 218 - K.

- 1 **T**HIG, a thobair mhoir gach tiodhlaic,  
 Gléus mo chridh' a sheinn do ghràis ;  
 Sruithean tròcair 'ruith gun dìocladh  
 Gluaisidh mi gu cliù is gràdh.

- 2 Togam an so m' Ebenéser,  
'S tu is tèarmunn domh gach uair ;  
'S tha mi 'n dùil gu d' àros nèamhaidh  
Gun dèan thu mo ghiùlan suas.
- 3 Thàinig Iosa Crìosd ga m' shireadh,  
'S mi air seachran uait 's an càs ;  
'S chum mo theasairginn o mhilleadh,  
Dhòirt e 'fhuil is dh' fhuiling bàs.
- 4 O, do ghràs, cia domhain m' fhiachan,  
'S mi 'na fheum gach oidhch' is là !  
Biodh e dhomh mar gheimhlean iarainn,  
'Ceangal m' anma riut gu bràth.
- 5 Tha mi ullamh—mar is nàr dhomh—  
Gu bhi 'fàgail Dia mo ghràidh ;  
Gabh mo chrìdh', a Shlàn'gheir ghràsmhoir,  
Séulaich e chum tìr an aigh.

## 50

- 1 CIUINICH mi, Dhé, is cum mi ciùin,  
Feadh mhaireas teas na gaoith,  
Bì dhomh gu fionnar mar tha 'n drùchd  
Do dh' fhiabhrus dian an t-saogh'l.
- 2 Ciùinich mi, Dhé, is cum mi ciùin,  
'S mo cheann air uchd do ghràidh,  
Le d' laoidh 's le d' shalm ga m' thàladh dlùth  
Is thoir do m' spiorad tàmh.
- 3 Ciùinich mi, Dhé, is cum mi ciùin ;  
Do sgiath biodh os ar cinn,  
Mar bha aig Elim barrach dùmh'l  
An tobair chùbhraidh, ghrinn.

4 Seadh, cum mi ciùin, ge cruaidh an fhuaim  
 Ruigeas mo chluas 's gach àit';  
 Ciùin 's mi leam fhéin, gun neach mu'n cuairt;  
 Ciùin am measg fuaim na sràid'.

5 Ciùin 'n uair tha nèul na slàint' am ghruaidh,  
 Ciùin ann an iargain sheirbh,  
 Ciùin ann an sògh no m' bochdainn chruaidh,  
 Ciùin ann am chall 's am thairbh'.

6 Ciùin ann am fulang péin is gruaim,  
 Mar bha m' Fhear-saoraidh caomh;  
 Ciùin ann an tàir 's an spìd o shluagh  
 Le'm fuathach d' ainm ro naomh.

7 Ciùin mar an réul no 'n grian-ghath ùr,  
 Air cùl nan doinionn mòr';  
 Triallam gu réidh troimh strìth nan dùl,  
 Gu caladh ciùin an glòir.

10, 10.

51

226 K W G ?

1 SITH, lànachd sìth, 'an saoghal aingidh, truagh!  
 Tha fuil an Uain a' labhairt sìth bhith-bhuain.

2 Sìth, lànachd sìth, le uallach cùraim sgìth!  
 'Toil Ios' a choimhlionadh, sin fois is sìth.

3 Sìth, lànachd sìth, is bròn mar thuiltean àrd'  
 Tha fèith fo fhasgadh Carraig mhór nan Al.

4 Sìth, lànachd sìth, 's ar càirdean gaoil an céin!  
 An Ios' tha iadsan tèaruint' mar sinn fhéin.

5 Sìth, lànachd sìth, 's gach céum d' ar triall fo nèul!  
 'S e Ios' an còmhnuidh ar fear-iùil 's ar réul.

6 Sìth, lànachd sìth, is sgàil a' bhais mu 'n cuairt !  
Thar uile chumhachd bàis fhuair Iosa buaidh.

7 Is leòir leinn e : is geàrr a bhios ar strìth,  
'S bheir Ios' e fhéin duinn lànachd iomlan sìth.

C.M.

52

229 - K

1 **I**S sona luchd a' chridhe ghloin,  
Oir Dia an sùilean chì ;  
Tha rùn an Tighearn aig a shluagh,  
'S tha Crìosd a' tàmh na 'n crìdh'.

2 An Tighearn thàinig nuas á nèamh,  
A dh' aiseag beatha 's sìth',  
A thàmh gu h-iriosal measg dhaoin',  
Mar eisimpleir 's mar Rìgh.

3 Pàirtichidh e do 'n anam ùmh'l  
E fhéin mar rinn o chian ;  
Mar chòmhnuidh is mar chathair-rìgh  
'S e 'n cridhe glan a mhiann.

4 A Dhé, do làithreachd shireamaid ;  
'Na diùlt am beannachd grinn ;  
Thoir cridhe glan is iriosal,  
'S dean còmhnuidh ann gach linn.

8,7,8,7.

53

230 - K

1 '**G**HRAIDH ar Dé ; O ghràidh gun choimeas,  
Sonas nèimh air teachd 'n ar còir,  
Suidhich ann ar crìdh' do chòmhnuidh,  
Crùn d' ar taobh do thròcair mhór.

- 2 Iosa, tha thu iochdmhor, bàigheil ;  
 Tha do ghràdh gun chrìch gun cheann ;  
 Builich oirnn gu léir do shlàinte,  
 Is dean tàmh 's gach cridhe fann.
- 3 Cuir do bheatha fhéin 'n ar crìdh'chan,  
 Thig g' ar dìon, a Dhé ro thréin ;  
 Pill gu grad, 's am feasd na dìobair,  
 O na tréig do theampuill fhéin.
- 4 Togamaid gun tàmh do chliù-sa  
 Mar na h aingle glòrmhor, grinn,  
 'G iòcadh molaidh dhuit is ùrnuigh,  
 Is mu mhèud do ghràidh a' seinn.
- 5 Dhé, ath-chruthaich sinn gu buileach,  
 'S dean sinn uile fìorghlan, naomh ;  
 Air ar n-aiseag leat gu h-iomlan,  
 Mealamaid do shlàinte chaomh.
- 6 'Ghnàth o ghlòir gu glòir a' caochladh,  
 Gus an ruig sinn tìr an àigh,  
 Far an géillear leinn ar crùin duit,  
 'S sinn làn ioghnaidh, cliù, is gràidh.

C.M.

54 236. K.

- 1 O GU bhith 'g imeachd dlùth do Dhia,  
 Le sàmhchair nèimh' am chrìdh' !  
 O gu'n robh m' astar dealrach, réidh,  
 Gach céum a dh' ionnsuidh Chrìosd !
- 2 C' àit' 'eil an sògh a dh' fhairich mi  
 Air tùs, 'n uair ghabh mi Crìosd ?  
 C' àit' 'eil am beachd 'chuir neart am' chrìdh',  
 Air Iosa 's fhacal fìor ?

D

- 3 Cia mòr an t-sìth a shealbhaich mi !  
 Cuimhnicheam i gu sìor !  
 Ach dh' fhàg i 'm anam falmhachd ghéur,  
 An saogh'l gu léir nach lìon.
- 4 O pill, a chalmain naoimh, a rìs,  
 Ard-theachdaire na sìth ;  
 Mo thruaigh am peacadh 'chuir ort bròn,  
 'S a dh' fhògair thu o m' chrìdh'.
- 5 An t-iodhol air am mò mo mhiadh,  
 Ge b' e air bith ciod è,  
 Cuiream a sìos a' d' àit' gu bràth,  
 'S aoram a mhàin duit fhéin.
- 6 An sin bidh m' imeachd dlùth do Dhia,  
 Is sàmhchair nèimh' am chrìdh' ;  
 'S bidh m' astar na 's ro dhealraich, réidh,  
 Gach céum a dh' ionnsuidh Chrìosd.

C.M.

55

231 - K

- 1 **I** MICH 's an t-soills' ! is gheibh thu beachd  
 Air companas a' ghràidh,  
 Troimh 'n Spiorad Naomh a mhàin 'tha teachd  
 Bho ròghachd àrd an àigh.
- 2 Imich 's an t-soills' ! is peacadh tréigt'  
 Cha chuir a rìs ort sal ;  
 Glanaidh fuil Ios' do lochd gu léir,  
 'S ni d' anam fìorghlan, geal.
- 3 Imich 's an t-soills' ! is bidh do chrìdh'  
 Mar sheilbh aig Crìosd an Triath ;  
 Esan tha 'tàmh an soills' gun chrìch  
 Bidh dhuit mar ghrian 's mar sgiath.

- 4 Imich 's an t-soills' ! is chì do shùil  
Do dhuibhre 'dol fasgaoil,  
Oir dhealraich ort an solus-iùil  
Tha 'teachd o shoills' an t-saogh'l.
- 5 Imich 's an t-soills' ! 's cha bhi gu bràth  
Ort fiamh roimh sgàil na h-uaigh' ;  
Sgapar a gruaim roimh 'n deàrrsadh àigh,  
Oir Crìosd air bàs thug buaidh.
- 6 Imich 's an t-soills' ! 's ge doirbh do shlìgh',  
Soilleir bidh i mar ghréin ;  
Oir Dia, troimh ghràs, ni tàmh a' d' chrìdh',  
An Dia is soills' e fhéin !

6,4,6,4,6,6,4.

56 237.

First 4 - 1  
8 - 14

- 1 **N**A 's dlùith', mo Dhia, riut féin,  
Na 's dlùith' riut féin !  
Ged bi deuchainn na crois'  
A thogadh mi ;  
'S e fonn mo chridh' gach ré,  
Na 's dlùith', mo Dhia, riut féin,  
Na 's dlùith' riut féin !

- 2 Mi, 's a' ghrian air dol fodh',  
Seachranach fann,  
An doille orm air luidh',  
A' chlach fo m' cheann ;  
'An aisling na h-oidhche,  
Dh' iarrainn na 's dlùth' riut féin !  
Na 's dlùith' riut féin !



3 Faiceam an sin mo cheum  
     'Direadh gu nèamh;  
 'S gach ni 'dh' àithn thu dhomhsa +  
     'Teachd bho do làimh;  
 Aingle 'g 'am ghairm le 'chèil'  
 Na 's dlùith', a Dhé, riut féin,  
     Na 's dlùith' riut féin!

4 'An caithris na maidne  
     'N dealradh do ghràidh,  
 Eiridh as mo chruaidh-chàs  
     Bétel an àigh;  
 'Chum le m' àmhghar gu léir  
 'Bhi na 's dlùithe, a Dhe,  
     Na 's dlùith' riut féin!

5 'S na 'm b' e gu'n gabhainn sgiath  
     Gu h-ait troimh 'n spéur,  
 Gealach, is réul, is grian,  
     Air chùl gu léir,  
 Gidheadh b' e so mo laoidh—  
 Na 's dlùith' do m' Dhia, na 's dlùith',  
     Do m' Dhia na 's dlùith'!

8,7.8,7.

57

246

not K

?

1 **I**OSA! ghlachd mi mo chrann-ceusaidh  
 Thrèig gach ni is lean thu fein  
 Tàireil, lomnochd, air mo threigsinn,  
 'S tusa m' ionmhas fein gu leir.

2 Falbhadh stòr is urram talmhaidh  
 Thigeadh deuchainn, fuath is pein,  
 Cruas tha taitneach ann ad sheirbheis  
 Call, le d' dheadhghean, 's buanachd fein.



- 3 Feudaiddh daoine tàir a dheanadh  
 Ach gu d' uchdsa teichidh mi  
 Ged ro m' bheatha cruaidh le deuchainn  
 Ann an neamh bidh fois gun dith.
- 4 O cha 'n urrainn bròn mo chiurradh X  
 Fhad 's a mhealas mi do ghràdh ;  
 O bhiodh gean gun mheas am shuilean ;  
 Dealaicht' uatsa 's beag a stàth.
- 5 M' anam, gabh do dhiol de shlàinte  
 Faigh air ciont is eagal buaidh,  
 Biodh ort aoibhneas anns gach àite  
 Ged bhios saoth'r is deuchainn cruaidh.
- 6 Cuimhnich co an Spioraid th' annad,  
 Ciod an t-Athair 'cuir ort fàilt',  
 Ciod an Slanghear gràdhach th' agad ;  
 O c' ar son bhiodh tusa cràit'.
- 7 Greas mata o' ghràs gu gloire,  
 Cleachdsa urnuigh 's creideimh beò  
 Latha siorruidh tha thu 'n tòir air,  
 Stiùraidh Dia thu 'n sin fa-dheoidh.
- 8 'N so theid crìoch gu gearr air t-obair,  
 Luath theid seachad t-uile làith',  
 Creideimh 's dòchas thig gu sealladh,  
 'S urnuigh bidh 'na laoidh a ghràidh.

7,6,7,6.

58

27. W. Campbell

1 SEAS suas ! seas suas gu dìleas,  
O thusa 'shaighdeir Chrìosd ;

Tog suas a' bhratach rìoghail,  
Cha'n fheud i dol a sìos.

Bho bhuaidh gu buaidh gu'n téid sinn,

Le Crìosd, ar Ceannard tréun,  
'S gach nàmhaid fòs gu'n cìosnaich,  
'S gu'n rìoghaich sinn leis fhéin.

2 Seas suas ! seas suas gu dìleas,  
Is ùmhlachd thoir d' a ghairm ;

Rach suas na 'latha glòrmhor  
Do'n chòmhrag dhian fo d' airm.

A ghaigich, bithibh tréubhach  
An aghaidh nàimhdean Chrìosd,

'S ur misneach fòs gun éirich,  
Mur géill sibh anns an strìth.

3 Seas suas ! seas suas gu dìleas ;  
'S e Crìosd e fhéin do cheann !

An gàirdean ièòlmhor géillidh,  
Na cuir do dhòchas ann.

Cuir luireach mhaith na slàint' ort,  
Dean faire 's ùrnuigh ghnàth ;

'S do dhleasnas 'n uair a ghairmeas,  
Bi thusa deas aig làimh.

4 Seas suas ! seas suas gu dìleas ;

Cha bhi a' chòmh-stri buan ;  
An diugh tha 'n còmhrag gàbhaidh ;

Am màireach caithream-bhuaidh !

Is gheibh gach gaisgeach buadhach

Crùn beatha mar a dhuais,

Is rìoghachd nach bi truaillidh,

Le Dia 's na nèamhan shuas.

8,7,8,7,D.

59

273-1.4.

- 1 **M**ISNEACH glac, mo bhràth'r! 's na tuislich,  
Doilleir ged robh sligh' do thòir;  
Fèuch reul-iùil a' deàrrsadh tharad—  
“Earb á Dia is lean a' chòir.”  
Ceann na h-uidhe ged nach léir dhuit,  
'S ged tha 'n rathad garbh gu leòir,  
Fann no sunndach, gleidh gu dlùth ris—  
Earb á Dia is lean a' chòir.
- 2 Seachain foill, droch-bheus, is seoltachd;  
'S fheàrr an t-ionracas na 'n t-òr;  
Co dhiubh 's fàillinn duit no buidhinn,  
Earb á Dia is lean a' chòir.  
Seachain aimhreit, roinn, is gamhlas,  
Saobh-luchd-iùil 's a' chòmh-stri mhóir  
Ach a' d' uile ghnìomh is bhriathar,  
Earb á Dia is lean a' chòir.
- 3 Na cuir earbs' am miannaibh taitneach—  
Aingle uilc mar aingle glòir';  
Cùl ri rian, is nòs, is cleachdamh,  
Earb á Dia is lean a' chòir.  
Gheibh thu sodal, gheibh thu dìmeas,  
Gràdh, no fuath is aobhar-deòir;  
Sguir o'n duine, 's seall ri flaitheas,  
Earb á Dia is lean a' chòir.
- 4 Riaghailt àigh, is rogha stiùraidh,  
'Bheir do 'n anam sìth is treòir;  
Reul a ghnàth os cionn ar slighe—  
Earb á Dia is lean a' chòir.  
Misneach glac, mo bhràth'r! 's na tuislich,  
Doilleir ged robh sligh' do thòir;  
Fèuch reul-iùil a' deàrrsadh tharad—  
“Earb á Dia is lean a' chòir.”

1 **M**O làithean tha a' d' làimh ;  
 Mo Dhia, 's e sin mo dheòin ;  
 Mo bheatha, m' anam, 's luchd mo ghràidh,  
 Earbam ri d' mhaitheas mór.

2 Mo làithean tha a' d' làimh,  
 Ge b' e a dh' iarras tù ;  
 Ma 's diubhr' no soillse, bròn no àgh,  
 An nì a's fheàrr' a' d' shùil.

3 Mo làithean tha a' d' làimh ;  
 C' uim' geilt is teagamh bochd ?  
 Làmh m' Athar ghràidh cha'n fhàg gu bràth  
 A leanabh caomh fo sprochd.

4 Mo làithean tha a' d' làimh,  
 Mo Shlàn'ghear céusda gràidh !  
 Do làmhan leònt' le m' pheacadh mór,  
 'S iad nis m' aon iùl 's mo stàdh.

5 Mo làithean tha a' d' làimh ;  
 Riut earbaidh mi a ghnàth ;  
 'S an deigh mo bhais aig òo dheis laimh  
 Bidhidh mi leat gu bràth.

1 **M**O Dhia is m' Athair, rè mo chuairt  
 'S an fhàsach, fad' o m' dhachaidh shuas,  
 O cuir am chrìdh' a ràdh gach uair,  
 "Do thoil biodh dèant'."

- 2 Ged leanadh duibhre 's bròn mo chéum,  
Na cluinnteadh gearan as mo bhèul ;  
Ach abram mar thuirt Iosa fhéin,  
“ Do thoil biodh dèant’.”
- 3 Ma 's àill leat, ann a' d' riaghladh caomh,  
Gach nì 'thoirt uam do 'n d' thug mi gaol,  
Bheir mise dhuit gach nì le m' aont' ;  
“ Do thoil biodh dèant’.”
- 4 Ged bhithinn ann am bròn ro ghéur,  
A' caoidh nan càirdean caomh' a thréig,  
Le ùmhlachd theirinn riut gach ré,  
“ Do thoil biodh dèant’.”
- 5 Ged sheargainn beag air bheag gach là,  
Le trioblaid is le iomadh cràdh,  
O Athair, dh' fhèuchinn ri bhith 'g ràdh,  
“ Do thoil biodh dèant’.”
- 6 Ma bhios do Spiorad saor a' tàmh  
A' m' chridhe breoite, fann do ghnàth,  
Mu 'n chòrr dèan thusa mar is àill—  
“ Do thoil biodh dèant’.”
- 7 Dean nuadh mo thoil o là gu là ;  
Dean strìochdte mi, 's glan uam gun dàil  
Gach nì a chumadh mi o ràdh,  
“ Do thoil biodh dèant’.”
- 8 An uair a chrìochnaichear mo chuairt,  
'S a sguireas bròn is trioblaid chruaidh,  
'N sin seinnidh mi 's an tìr bhith-bhuain,  
“ Do thoil biodh dèant’.”

- 1 **M**' ANAM, bi ciùin ; tha 'n Tighearn air do thaobh ;  
 Giùlain gustrìochdte crann do bhròin's do chràidh;  
 Earb as an Dia 'tha freasdal do gach aon ;  
 Bidh esan dìleas anns gach uile chàs.  
 M' anam, bi ciùin ; is thar gach slighe chruaidh  
 Seòlaidh do charaid nèamhaidh thu gu buaidh.
- 2 M' anam, bi ciùin ; tha còmhnaidh caomh do Dhé  
 Ga d' theàrmunn, 's bithidh anns an àm ri teachd;  
 Biodh d' earbsa daingean, biodh do mhisneachd tréun;  
 Theid solus air gach cùis 'tha 'n dìomhaireachd.  
 M' anam, bi ciùin ; oir éisdidh cuan is gaoth  
 Ri 'ghuth mar dh' éisd iad rè a chuairt 's an t-saogh'l.
- 3 M' anam, bi ciùin ; 'n uair shiùbhlas càirdean gaoil,  
 'S a tha gach nì an gleann nan dèur fo sgàil,  
 Chi thu cho iochdmhor 's a tha 'n Slànghear caomh,  
 A dh' fhuadaicheas air falbh do gheilt 's do phràmh.  
 M' anam, bi ciùin ; aisigidh fear-do-ghràidh  
 Thugad na chaill thu, as a shaibhreas làn.
- 4 M' anam, bi ciùin ; tha 'n t-àm a' teachd gu luath  
 'S am bi sinn maille ri ar Triath gu bràth ;  
 'S am falbh gach mulad is gach geilt gu buan,  
 'S an teich gach bròn roimh shuaimheas naomh  
 a' ghràidh.  
 M' anam, bi ciùin ; 'n uair thiormaichear gach dèur,  
 Tachraidh sinn còmhla ann an aoibhneas nèimh'.

8,7,8,7,4,7.

63 293 K

1 **S**TIUIR mi, O Iehóbha ghlòrmhoir,  
Coigreach anns an fhàsach chruaidh ;  
Tha mi lag, O dean mo chòmhnaidh ;  
Biodh do làmh ga m' chumail suas ;  
Arain nèamhaidh,  
Beathaich mi re fad mo chuairt.

2 Fosgail dhomh an tobar buadhmhor,  
Sruth na slàinte, farsaing, fial ;  
Biodh an carragh nèdil is teine  
Dèanamh stiùraidh dhomh gach ial ;  
Shlàn'gheir neartmhoir,  
Bi ad' dhaingneach dhomh 's ad' sgiath

3 'N uair a ruigeas mi an abhainn,  
Cuir gach fiamh is geilt air chùl ;  
Ios', a cheannsaich bàs is ifrinn,  
Gu tìr Chànaain dean domh iùl ;  
Orain mholaidh,  
Bheir mi ghnath do Rìgh nan dùl !

5,5,8,8,5,5.

64 296 A. W. 727

1 **I**OSA, stiùir ar céum,  
Fad ar cuairt fo 'n ghréin,  
Chum o shlighe naomh do reachdan,  
Chaidh nach téid ar cas air seachran ;  
Stiùir-sa sinn le d' làimh,  
'Suas gu tìr an aigh.

2 Cruaidh ged robh ar crann,  
Géilleadh na biodh ann,  
Gun a bhith ri monmhur idir,

Làithean sàraicht', olc, ged thigeadh ;  
 'S ann troimh àmhghar cruaidh  
 Théid sinn dachaidh 'suas.

3 Trath bhios sinn fo leòn,  
 Fo throm uallach bròin,  
 Geilt is buairidhean 'g ar dèuchainn,  
 Thig a Dhé, 's ar foighid mèudaich ;  
 Nochd an cladach aigh,  
 'Tha gun bhron 's gun bhàs.

4 Bi mar so 's gach céum,  
 Romhainn 's as ar déigh,  
 'Cheannaird nèamhaidh, bi-sa dlùth dhuinn ;  
 Deònaich misneach, neart, is stiùradh  
 Gus an ruig sinn tràigh  
 Ann an tìr an aigh.

10,4,10,4,10,10.

65

*newman*  
 1 **A** SHOILLSE 'n àigh, 's a' cheò, le d' bhàoisge  
 caoin,  
 Stiùir thusa mi ;  
 Tha 'n oidhche dorch', 's mi fad' o m' dhachaidh  
 ghaoil,  
 O treòraich mi ;  
 Stiùir mi gach là, cha'n iarr mi rathad réidh  
 Gu tìr-an-àigh ; is leòir leam céum air chéum.

2 Cha robh mi ghnàth mar so, 's cha b' e mo mhiann  
 Thu bhith 'd réul-iùil ;  
 Do m' thogradh fhéin gun d' thug mi tric an t-srian,  
 'S cha b' fhiù leam thù ;  
 An geall air mùirn, 's mo chridhe uailleil, faoin,  
 A dh' aindeoin fiamh' : na cuimhnich làith'n a dh'aom.



- 3 Gu ruig a so ad' tròcair bha thu leam ;  
     O stiùir mi ghnàth  
 Feadh chreagan cruaidh, is shloc, gu ruig an t-àm  
     'S am brist an là,  
 'S am faic mi gnùis nan càirdean a chaidh uam,  
 A chaill mi seal, 's d' an d' thug mi gaol 'bha buan.

S.M.

66 327-K.

- 1 CHA'N fhaicear oidhch' air nèamh ;  
     'S an t-saoghal dhealrach àigh  
 Obair gu bràth cha'n fhàg neach sgìth,  
     Oir 's ionann saoth'r is gràdh.
- 2 Cha'n fhaicear bròn air nèamh ;  
     Tha 'n sògh 's an là gun chrìch,  
 'S tha deòir am measg nan nithean sean  
     A chaidh air chùl gu sìor.
- 3 Cha'n fhaicear olc air nèamh ;  
     Fèuchaibh a' chuideachd chaomh—  
 Ro naomha tha an trusgan geal' !  
     'S an òran fòs tha naomh !
- 4 Cha'n fhaicear bàs air nèamh ;  
     A mhèud 's a chì a thràigh,  
 Fhuair seilbh air an neo-bhàsmhorachd,  
     'S a chaidh cha'n fhaigh iad bàs.
- 5 Iosa, dean fhéin duinn iùl !  
     O treòraich sinn gach uair ;  
 'S bidh oidhch', is bròn, is olc, is bàs,  
     Air chùl 'n uair theid sinn suas.

- 1 'I ERUSALEIM, mo dhachaidh àigh,  
A' d' ionnsuidh cuin thig mi !  
O cuin a chrìochnaichear mo bhròn,  
Is d' aoibhneas cuin a chi ?
- 2 O thir 'tha taitneach, sòlasach,  
O chaladh ait nan saoi,  
Cha'n fhaighear bròn am feasd a' d' chòir,  
No cùram, saoth'r, no caoidh.
- 3 Cha'n 'eil innt' sannt no ana-miann,  
No farmad fòs. no strìth ;  
Cha'n 'eil innt' acras, tart, no teas,  
Ach taitneasan gun dìth.
- 4 Do bhallachan is clachan taght',  
Do dhaingneach daoimean gearrt',  
Do gheatachan is neamhnaidean—  
Mo mhiann bhith 'n sud gu h'àrd !
- 5 'S ro ghrinn a tùir 's a binnein àrd'  
Le deàrrsadh mhóran léug ;  
Le iasper, crisolit, 's gach clach  
Is taitniche na chèil'.
- 6 Le fuaim ro chaoin tha 'n abhainn bheò  
A' sruthadh feadh gach sràid,  
'S mu 'bruachan glasa air gach taobh,  
Tha craobh na beatha 'fàs.
- 7 A craobhan toradh bheir gach mìos,  
Is fàsaidh iad gach ré ;  
'S bheir uile shlòigh an domhain mhóir,  
Dhuit fhéin an glòir gu lèir .

- 8 'Ierusalem, mo dhachaidh àigh,  
 Mo mhainn bhith annad shuas !  
 O b' fheàrr gun crìochnaiceadh mo bhròn,  
 'S gu'm faicinn d' aoibhneas buan !

7,6,7,6,D.

68 331 ?

R.B

- 1 **T**HA 'n saogh'l air fàs ro aingidh,  
 Tha 'n aimsir 'siubhal seach ;  
 Bì stuama is dean faire,  
 Tha 'm Breitheamh tigh'nn a steach—
- 2 Am Breitheamh 'thig le tròcair,  
 Am Breitheamh 'thig le neart,  
 Gu crìoch a chur air fòirneart,  
 Is crùn 'chur air a' cheart.
- 3 An sin bidh glòir nach cualas  
 A' soillseachadh m' an cuairt,  
 A' fuasgladh cheistean eucoir—  
 Aon Sàbaid naomh, neo-bhuairt' ;
- 4 An sin o luchd an fhòirneirt  
 An t-Eabhrach theid fa-sgaoil,  
 Is gleidhidh e gu greadhnach  
 Iubilé ait an t-saogh'l.
- 5 An sin gach nì bidh neartmhor,  
 Aon neach cha bhi fo bhròn,  
 Is ann cha bhi nì roinnte,  
 No aon air bith fo leòn.
- 6 Dèan strith air son na glòir sin,  
 Dèan spàirn as déigh an t-soills' ;  
 Cuir dòchas mach g' a ghlacadh,  
 Gu 'n sluigear e 's a' bhoillsg'.

J. W

- 7 *O 'n dùthaich àillidh, shona,  
Is dachaidh bhuan nan naomh !  
O 'n dùthaich àillidh, shona.  
Is miann gach chridhe chaoimh !*

- 8 *Iosa, ad' thròcair stiùir sinn  
Gu tàmh is fois 's an tìr,  
'S bidh glòir do 'n Mhac, do 'n Athair,  
'S do 'n Spiorad Naomh, gu síor.*

7,6,7,6,D.

69

not K  
34. I. m. 1. 2

- 1 **I**ERUSALEM 'tha òirdheirc,  
Le bainne 's mil gun dìth.  
Do ghlòir chaidh thar gach eòlas,  
Tha doimhn' ann nach ruig mi.  
Cha'n fhios,—cha'n aithne dhomhsa,  
Gach suaimhneas àrd is àgh  
Tha 'n sud,—no 'n soillse glòire  
'S gun choimeas agam dha.

- 2 'An sin tha lùchairt Shìoin,  
Làn ait le caithream 'luaidh,  
'S le dealradh glòir' nan ainglibh,  
'S nam fianuisean 'thug buaidh.  
Tha prionns' na sith e féin ann  
An soillse ciùin an là ;  
Is ionaltradh a shluaigh 'san  
Gorm, áluinn, réidh fo bhlàth.

- 3 'An sin tha cathair Dhaibhidh ;  
'S iad saor bho ànradh truagh,  
Eiridh bho luchd na cuirme  
Ard iolach ait nam buadh.

Iadsan a chuir le'n Ceannard  
A' chòmhstri ghoirt is chruaidh,  
Tha iad 'an sud gu sìorruidh  
'N an trusgain gheala, nuadh.

- 4 O ! 's àghmhor, sona 'n tìr ud  
Is fois do shaor shluagh Dhe ;  
O ! 's àghmhor, sona 'n tìr ud,  
Air 'm bheil ar cridhe 'n déigh,  
O ! Iosa, ann a' d' thròcair,  
Do'n tìr ud treòraich sinn ;  
Thus' ionmholt' leis an Athair,  
'S an Spiorad Naomh gach linn.

L.M.

70

- 1 **O** M' ANAM, dùisg, is leis a' ghréin,  
Imich air slìgh' do dhleasnais fhéin ;  
Cuir dhìot gach leisg 's gu tograch, fial,  
An ìobhairt-mhaidne taigr do d' Dhia.

- 2 Gach cliù do Dhia a ghleidh mi slàn,  
'S a dh' ùraich mi le fois is tàmh ;  
Deònaich o 'n uaigh 'n uair dh' éireas mi,  
Beatha gun chrìch an rìogh'chd na sìth.

- 3 Dh' ìocainn as ùr mo bhóid dhuit fhéin ;  
Fuadaich mo chiont' mar dhrùchd roimh 'n ghréin  
Mo smuaintean stiùir, is gleidh mo chridh',  
'S le d' làithreachd fhéin, O sàsaich mi.

- 4 Na labhras mi 's na thig am bheachd,  
Stiùir thusa 'n diugh a réir do reachd,  
'S gun tugainn duitse mar is còir,  
Le m' thoil 's le m' chridhe cliù is glóir.

- 5 *Molaibh, uil' fhineachan chlann-daoin',  
An Triath, o 'n sruth gach maitheas caoin ;  
Molaibh air nèamh, O aingle caomh,  
An t-Ath'r, am Mac, 's an Spiorad Naomh.*

L.M.

71

352 - I n. 2.

- 1 **S**HOILLSE m' anma, 'Shlànuigheir chaoimh !  
 Cha'n oidhch' a 'bhi á d' làith' reachd naoimh ;  
 Na ceileadh sgàil thu chaoidh o shùil  
 D' òglaich 'tha 'feitheamh ort le dùil.
- 2 An nochd, 'n uair bhraonas cadal sèimh  
 'Am rosgan trom, mar dhrùchd o nèamh,  
 Mo smaointean shàimh b' e meud an àigh  
 A bhi gu sìorruidh 'n uchd do ghràidh.
- 3 Fan thusa leam a dh' oidhch' 's a lò,  
 As d' eugmhais féin cha d' thig mi beò ;  
 Fan leam ré oidhch' mo thriall fadheòidh—  
 Fo fhiamh a' bhàis 's tu mhàin mo dhòigh.
- 4 Ma chaidh air seachran uait an diugh  
 A h-aon de d' chloinn a dhiùlt do ghuth,  
 'Nis teasraig e, a Dhé nan gràs,  
 'S na luidheadh e fo chiont' a' bhàis.
- 5 Gléidh an t-euslan, bochdan riarach  
 O shaibhreas do lànachd sìorruidh ;  
 'S thoir tàmh do luchd a' bhròin an nochd,  
 Mar shìth-shàimh naoidhein chaoimh gun lochd.
- 6 'N ar dùsgadh thig is beannaich sinn ;  
 Ar ceum tròi 'n t-saogh'l mu-n gabhar leinn :  
 Fan, gus a' d' ghràdh, mar dhoimhne mhòir,  
 'Shàr lìonar sinn le òghnadh glòir.

7,7,7,5.

72

356 - K

- 1 **A** THAIR Naoimh, dean ait ar triall  
 Le do ghràdh 'ni soills' gach ial;  
 Deònaich dhuinn, a' d' mhaitheas fial,  
 Soills' aig crìch an là.
- 2 'Shlàn'gheir Naoimh, cuir uainn gach fiamh,  
 'N uair tha 'n saogh'l a' call a sgiamh';  
 Deònaich dhuinn, 's sinn aosmhor, liath,  
 Soills' aig crìch an là.
- 3 'Spioraid Naiomh, bi thusa leinn,  
 'N uair bhios againn cràdh is teinn;  
 Deònaich dhuinn, a' dol troimh 'n tuinn,  
 Soills' aig crìch an là.
- 4 'Thrionaid bheannaichte nam buadh,  
 Teichidh duibhr' o d' làth'r gu luath,  
 'S anns gach ionad chi do shluagh  
 Soills' aig crìch an là.

10,10,10,10.

73

365 m R

- 1 **F**AN maille rium! tha 'm feasgar 'ciaradh trom,  
 Is sgàil na h-oidhch': a Dhé, fan thusa leam!  
 'N uair thig an éis, 's a thréigeas càirdean dlùth,  
 O thì bheir neart do 'n lag, fan maille rium!
- 2 Tha beatha 'triall 's mo là a' tigh'nn gu crìch;  
 Tha maise 's glòir na talmhainn 'dol a dhèth;  
 Tha caochladh mór ri fhaicinn air gach dùil:  
 O thusa chaoidh nach trêig, fan maille rium!

- 3 Cha'n e mo mhiann thu thriall air falbh gun dàil  
Mar neach air chuairt, ach thu bhith 'gabhail tàimh  
A' m' chuideachd fhéin, a Dhé, le càirdeas dlùth,  
A chaidh nan cian nach tréig; fan maille rium!
- 4 Na tig mar Rìgh, le uamhas, thugam fhéin,  
Ach caoimhneil, tlàth, le slàinte fo do sgéith;  
Làn iochd is truais ri sluagh tha 'cur riut cùl;  
Mar charaid caomh nan truagh, fan maille rium!
- 5 'N uair bha mi òg rinn thusa còmhnaidh leam;  
Ged b'olc mo dhòigh, 's mi 'triall gu bròn am dheann,  
Cha d' thréig thu mi, ged nach bu mhiann leam thu;  
Gu ceann mo réis, O Dhé, fan maille rium!
- 6 Gach uair de'n là thoir dhomh do làithreachd thréun;  
Ciod ach do ghràs bheir buaidh air Sàtan fhéin?  
Cò ach thu fhéin bhios dhòmhsa mar réul-iùil?  
Gach oidhch' is là, O Dhé, fan maille rium!
- 7 'N uair tha thu dlùth cha'n eagal leam aon nàmh;  
Tha m' inntinn stòld' 's tha uilc is deòir na 'n tàmh,  
Bho 'n thug thu buaidh air bàs is uaigh le cliù,  
'N uair sheas thu 'n àit' do shluaigh; fan maille rium!
- 8 Cum suas do chrann gach àm a' m' shealladh fhéin;  
Le d' sholus àigh-stiùir mi do ghnàth 's gach céum;  
Tha 'n sgàil a' triall, 's tha mhadainn shiorruidh dlùth:  
Trath bhios mi 'n so, O Dhé, fan maille rium!

6,6,6,6,8,8.

74 378. K.

I A RD-THRIATH nan néamh gu h-àrd,  
Cia taitneach, àillidh, aoidh



Tigh-còmhnuidh caomh do ghràidh,  
 Do theampull talmhaidh gaoil ;  
 Do theach is è  
 Mo thlachd gach là  
 Le iarraidh bhlàth  
 Air làithreachd Dhé.

- 2 Cia tlachdmhor slèuchdadh sìos,  
 'S an àite dh' òrdaich Dia ;  
 Cia sona 'n sluagh, gu fìor,  
 Nì aoradh ann gach ial—  
 Le 'chliù ga luaidh !  
 Cia sona 'n dream  
 Le'n caomh an céum  
 Gu d' thulaich shuas !

- 3 Théid iad o neart gu neart,  
 Troimh fhàsach duibhr' is deòir,  
 S an nochdar iad a' d' theach,  
 Am flaitheas àrd na glòir' :  
 O 'n t-ionad àigh,  
 D 'an stiùir an Rìgh  
 Ar céuman sgèith,  
 Aig crìch ar là !

7,7,7.

75 388. ✓

- 1 'THIGHEARN, leis na dha no trì,  
 'Làthair deònaich fhein gu'm bì,  
 'S riutsa togaidh sinn ar crìdh'.

- 2 Iosa, 's ann trid d' fhuil, gu beachd,  
 'Dhòirt thu 'ghlanadh uainn ar peac',  
 Chum do chathrach 'ni sinn teachd.

- 3 Thus' tha eòlach air ar teinn,  
Glaodh a' chreidimh deònaich dhuinn,  
'S gu bhith 'tagradh, teagaisg sinn.
- 4 Stiùir thu sinn 's an t-slighe sheòl,  
'S "Abba, Athair" chuir 'n ar beòil,  
'Teachd le 'r n-ùrnuigh chum do stòil.
- 5 'Spioraid Naoimh, O crom do chluas ;  
Ri ar laigse mhóir gabh truas ;  
Eisd an glaodh a theid uainn suas.
- 6 Ghéilleadh feòil is crìdh' 's an dàil,  
Ach tha neach taobh stigh de 'n sgàil  
D' an toir Dia gach nì mar's 'àill.
- 7 Dia—'n t-Athair, am Mac tha caoin,  
Is an Spiorad Naomh faraon—  
Glòir gu bràth do 'n Truir-an-Aon !

L.M.

76

394 Dewar 3  
T. A. 2

- 1 **O** RTS' tha mi 'gairm, a Dhia nan Sluagh,  
Is tuiteam sìos a' d' làth'r gu luath ;  
'N uair 'théid na tuitean thar mo cheann  
Na tréig-sa m' anam bochd 's e fann.
- 2 A charaid chaoimh an dìob'raich thruaigh,  
C' àit' an téid mi am éiginn chruaidh ?  
C' àit' ach gu teach mo Thriath 's mo Rìgh,  
'Tha tairgseadh còmhnuidh dhomh gun dìth ?
- 3 Aon neach a thagair riamh a' d' làth'r,  
An deachaidh chur air falbh le tàir ?  
Nach 'eil an gealladh fìor gach ial,  
"Sir agus gheibh o Dhia gu fial" ?

- 4 Bu chàramh sin gun choimeas truagh,  
Na 'm biodh tu diùltadh glaoth do shluaigh  
Ach Dia 'bheir cluas is freagradh caoin,  
Ni e gach uallach aotrom, faoin.
- 5 Mo chrannchur thuit an ionad briagh,  
Oir tha m' Fhear-tagraidh shuas le Dia ;  
An dream, 'san t-saogh'l so, 's àirde miadh,  
Cha d' fhuair am fàbhar céudna riamh.
- 6 Ged tha mi 'm dhìob'rach truagh 's an dìth,  
Mo Dhia gu bràth cha'n fhàg e mì ;  
'S cha ghéill an neach do chall no chruas  
'D an deònaich Crìosd a thagradh shuas.

C.M.

77 400 - *Deum*

- 1 **F**EUUCH, Iosa, Buachaill Israeil,  
Làn sgeadaichte le gràdh,  
'Togail nan uan le bàigh 'na uchd  
'S ga 'm beannachadh le làimh.
- 2 "Na bacaibh dhoibh," thuit e gu caomh,  
"Do 'm ionnsuidh-sa bhith 'teachd,  
Oir 's ann gu slaint' a thoirt d' an leith'd,  
A thàinig mi, gu beachd."
- 3 Gun dàil, O Iosa, bheir sinn iad  
Gu taingeil ann a' d' làth'r ;  
'S mar tha sinn leat 'an cumhnant buan  
Biod iadsan leat gu bràth.

C.M.

78 410 - ?

- 1 **A**REIR na h-àithne thug thu fein,  
Gu h-iriosal is ciuin,  
So nì mi 'Thriath a dh' fhulaing pein,  
Is cuimhnichidh mi thù

- 2 Do chorpas 'bhristeadh air mo sgàth,  
Mo lòn o neamh dheth nì,  
Is glachdam cupan naisgt' do ghràidh,  
Is thu cha dìch'nich mi.
- 3 Getsemane an dearmaid mi,  
'S do chràdh 's do dheuchainn ghéur,  
D' fhallus fuilteach is teinn do strì,  
'S nach cuimhnichinn thu fein?
- 4 'N uair air a' chrann a bheir mi sùil,  
A suas air Calbhari,  
O, Uan mo Dhe, m' fhior iobairt thu,  
Do chuimhneach' feumaidh mi.
- 5 Do chuimhneachadh, is d' uile phein,  
Is d'uile ghràdh cho dlùth;  
Cho fhad' s' bhios anail ann am chré,  
Cha dì-chuimhnich mi thu.
- 6 'N uair' bhios na bilean bochd so balbh,  
Is cuimhue theid a dhith,  
A' d' riogh'chd 'nuair' thig thu' ghabhail sealbh  
A Thriath, 'n sin cuimhnich mi.

6,6,4,6,6,6,4.

79 44. K (u.)

- 1 'D HIA, 'chuir le d' ghuth fa-sgaoil  
Eas-òrdugh 's duibhre 'n t-saogh'l,  
'S theich iad gu teann,  
O éisd ar n-ùrnuigh dhian,  
'S gach àit' nach faca grian  
An t-soisgeil ghlòrmhoir fhial',  
Biodh solus ann!

Thou whose almighty word.

2 O thusa 'cheil do ghlòir,  
 A theachd a nuas g' ar còir,  
     'S sinn dìblidh, fann,  
 'S a' chridhe lag cuir lùgh,  
 'S do 'n dall thoir fosgladh-shùl—  
 An saoghal mòr g' a chùl,  
     Biodh solus ann !

3 A Spioraid fhìor is chaoimh,  
 Gabh sgiath, a chalmain naoimh,  
     'S thig oirnne teann ;  
 Air gnùis nan uisgean gluais,  
 Do lèchran gràis tog suas,  
 'S an saoghal dorcha, truagh,  
     Biodh solus ann !

4 A Thrionaid bheannaicht' àill,  
 Gliocas, is neart, is gràdh,  
     Gun chrìch, gun cheann ;  
 Gu farsainn mar tha 'n cuan,  
 A 'sineadh deas is tuath  
 Thar aghaidh 'n t-saogh'l mu 'n cuairt,  
     Biodh solus ann !

7,6,7,6,D.

80

436 R B

1 O GU'N robh, 'Thriath, do shlàinte,  
 A Sion àigh air teachd,  
 A leigheas d' Isr'el leòinte,  
     'S ga 'n treòrach chum do reachd.

2 Cia fhad', le cinnich ghòrach,  
 A shaltrar Sion sìos ?  
 Pill fhéin, O Dhé, 'an tròcair  
     Is tog a balla rìs.

- 3 Leag sìos slat ghoirt an uamhais,  
Do ghràs thoir seach gun dìth,  
Air falbh thoir sgàil an uabhair,  
Cuir saor o chis an crìdh'.
- 4 Do dh' Isr'el air teachd dhachaidh,  
Nochd a' Messiah caomh ;  
Cuir gean an àite acain,  
'S thoir dlùth dhuit d' Eaglais naomh.

7,6,7,6.

81

440. A m 727m

- 1 **F**AILTE do Rìgh na slàinte,—  
Hosànah do Mhac Dhé,  
Le h-ìolach, cuiribh fàilt' air,  
A shlòigh a' chruinne-ché,  
Feuch, thàinig e 'sgrios euceirt,—  
A chur na tràill fa sgaoil ;  
Thoirt seachad iobairt-réitich ;  
'S a dh' éigheach sìth do dhaoin'

- 2 Mar fhrasan, ni e tùirlinn  
Air gnùis an fhearainn chruaidh,  
Mar fhàileadh ròsan cùbhraidh,  
Ni aiteas naomh dol suas.  
Bi'dh 'bhratach air na sléibhtean  
Ag éigheadh roimhe sìth ;  
Is còir is ceart, 'na cheumaibh.  
Mar fhìor-uisg', éiridh nìos.

- 3 Borb Innseanach an fhàsaich,  
Sìos lùbaidh dhasan glùn,  
Is Etiòp nan traillean,  
Chi fathasd glòir a ghnùis,  
O iomaill chian gach tìre,  
An sìth, thig longan àrd,  
A chum a 's maoin nan Innsean,  
Mar chis gu 'n toir iad dha.

4 'N a làthair sleuchdaidh rìghrean.  
 A giùlan òir is tùis,  
 Dha aoraidh sluagh gach tìre ;  
 Is bheir gach treibh dha cliù.  
 An sìol chaidh chur le deuraibh,  
 Tlàth-fhliuchaidh drùchd nam beann ;  
 'S an àird nì 'thoradh éiridh  
 Mar Lebanon nan crann.

5 Gach nàmh bidh fodha strìochdta,  
 A rioghachd bidh' bith-bhuan ;  
 Oig', slàinte, buaidh, is sìochaint,  
 Suas lionaidh cup' a shluaigh ;  
 'S ged theirgeas tìm, cha charaich  
 A chomh-cheangal gu bràth ;  
 Is ainm gu sìorruidh mairidh,—  
 Ainm barruicht' mòr a gràidh.

7,6.7,6,7,6,7,6.

82 441. *Amie Zadyan*

1 **B**HO bheanntan reòta *Ghreenland*,  
 Bho Innsean teith nan slògh,  
 Bho *Africa* nam fuaran  
 'Bheir uath' a' ghainneamh òir ;  
 Bho iomadh amhainn aosmhor,  
 'S bho iomadh réidhlein uain',  
 Tha ruinne, air son saorsa,  
 An glaodh 'tighin thar a' chuain.

2 Air *Ceylon* ged a shéideas  
 A' ghaoth gu cùbhraidh, tlàth ;  
 Ged tha gach sealladh ciatach,  
 Is duine 'mhàin 'n a ghràin ;  
 Mòr mhaitheas Dhé tha 'n dìomhain  
 Air ìocadh air gach taobh ;  
 Tha truaghain dhall na tìr' sin  
 A' strìochd' do dh' iodhail fhaoin.

*J. W. in*

3 'N dean sinne, 'th'air ar stiùradh  
 Le gliocas iùil o'n àird,  
 An lòchran nèamhaidh 'dhiùltadh  
 Do'n dream tha 'n duibhr' a bhais?  
 Dean slàint' do pheacaich éigheach—  
 Dean sgeul nam buadh a sheirm,  
 Gus am bi gach creutair  
 Air geill a thoirt do'n ghairm.

4 Dean ruith, a sgéil na saorsa,  
 Air carbad gaoith is cuain,  
 Gus, anns gach cearn de'n t-saoghail,  
 An cluinn gach aon an fhuaim!  
 Is duine air a shaoradh,  
 Le ìobairt ghràidh an Uain,  
 Ag éigheach o gach taobh ris,  
 E 'theachd g' a rioghachd gu luath.

8,7,8,7.

83

K

1 'S MORALACH do chliù ri aithris,  
 'Shion, cathair àrd ar Dé!  
 Rinn an tì d' an ainm an Fhìrinn  
 Dhìotsa ionad naomh dha fhéin.

2 Tha carraig nan àl na stéidh dhuit;  
 'Chaidh cha ghéill do bhunait chruaidh;  
 Feadh is balla-dìon duit slàinte,  
 'S aobhar-ghàire do luchd-fuath',

3 Faicibh abhainn mhór na beatha,  
 'Ruith o 'n ghràdh tha maireann, fìor,  
 'Sàsachadh do shluaigh gach latha,  
 'S a' cur airc air chùl gu sìor.



- 4 Cò bhiodh fann 's a leith'd a dh' abhainn  
 Casgadh 'ìot bho 'lànachd ghrinn—  
 Gràs mar Dhia a tha 'ga tabhairt,  
 Saoibhir, pailt, o linn gu linn?
- 5 Fèuch os cionn gach ionad-còmhnuidh,  
 Carragh teine 's neòil gu h-àrd,  
 Mar bhall-maise is mar chòmhdach;  
 'Nochdadh gu bheil Crìosd aig làimh.
- 6 'Shlànuigheir, ma bhuineas mise  
 Do 'n àrd-bhaile so tre ghràs,  
 Fuath no gaol o 'n t-saoghal thigeadh,  
 Nì mi uaill à d' ainm gu bràth.
- 7 'S diombuan, faoin, gach sìon air thalamh—  
 'Uile shaoibhreas agus 'uaill;  
 Sonas buan is ionmhas maireann  
 Bidh a mhàin an Sìon shuas.

S.M.

84

462

K.

- 1 'S CAOMH, leam do rìogh'chd a Dhé,  
 An tigh 's a bheil thu tàmh,  
 An Eaglais sin a cheannaich Crìosd,  
 'N uair dhòirt e 'fhuil gu bàs.
- 2 Is caomh leam Eaglais Dhé;  
 A balla tha do ghnàth  
 Ionmhuinn 'na bheachd mar chloich a shùl,  
 Is sgrìobht' air bas a làmh.
- 3 Na h-aobhar sileam deòir,  
 Is aslaicheam gu dian;  
 Dhith bheir mi gnìomh is toigh' gu bràth,  
 Trath mhaireas toigh' is gnìomh.

4 Os cionn m' uil' aoibhneis mhòir,  
 M' annsachd a cleachdamh caomh,  
 A comunn, is a boidean fòs,  
 A cliù, 'sa laoidhean naomh'.

5 Iosa, a charaid chaoimh,  
 Ar Slàn'ghear is ar Rìgh,  
 Bho ribeadh is bho ghamhlas nàimh  
 Do ghàirdean nì ar dìon,

6 Cho fìor 's tha d' fhacal buan,  
 Iocar do Shìon àigh  
 A' ghloir a's maische 's an t-saogh'l,  
 Is gloir a's mò gu h-ard.

6,6,6,6,8,8.

85

465 - K.

1 **A**R stéidh 's e Iosa Crìosd,  
 Togaidh sinn air a mhàin;  
 Le 'naoimh bha dìleas, fìor,  
 Tha cùirtean néimhe lan :  
 Na 'chaoimhneas gràidh  
 Ar dòchas thà  
 A nis ri gràs,  
 'S air nèamh ar n-àgh.

2 Ar cliù 's ar moladh àrd  
 Lìonaidh na cùirtean shuas !  
 Is seinnidh sinn gu bràth  
 Do Thrìonaid mhòr nam buadh,  
 A' cuir an céill  
 Le òran naomh  
 Ard ainm ro chaomh  
 Is cliù ar Dé.

- 3 A Dhé ro ghràsmhoir, bì  
 Dlùth dhuinne nis 's gach ré ;  
 Gabh ri ar bóidean fìor  
 Is cluinn ar n-osnaidh ghéur'  
 Gu pailte lìon  
 Luchd-ùrnuigh caomh,  
 Gath latha naomh,  
 Le sonas fìor.

- 4 Cuir oirnn a nuas o nèamh  
 Saor ghràs a réir ar miann ;  
 Is biodh do ghràs mar sheilbh  
 A' leantainn ruinn gach ial,  
 Gu ruig an là  
 'S an teid do shluagh  
 Gu fois bhith-bhuain  
 A ghairm an àird.

L.M.

86

479

Clark

- 1 **A** IR son do thèarmuinn is do ghràis,  
 'Bha re na bliadhna nis a thréig,  
 'G ar cumail suas 's gach uile chàs,  
 R' ar n-òran-molaidh éisd, a Dhé.
- 2 An àm ar laigse is ar bròin,  
 Bi fhéin a' d' thaic' 's a' d' shòlas dhuinn,  
 'S troimh 'n fhàsach iomrall fosgail ròd ;  
 Air céum na beatha treòraich sinn
- 3 Cò dhinne 'shiùbhlas troimh 'n ghleann dorch,  
 Mu 'n teid a' bhliadhna so a sìos ?  
 Agads' tha fios ; O biodh do lorg  
 Na 'taic' 's na 'furtachd dha 'na 'crìch.

- 4 Déan sinne tréidhireach is naomh ;  
 Dhuit fhéin, a ghnàth, O gleidh sinn dlùth ;  
 Bì dhuinn mar neart 's mar chobhair chaoimh,  
 Is deasaich sinn air son a' chrùin.
- 5 Mar sin, a' d' lúchairt àluinn shuas,  
 Bheir sinn duit cliù air tèudan òir ;  
 'S tu Rìgh nan Rìgh, Ard-Thriath nan sluagh,  
 D' am buin a mhàin gach cliù is glòir.

C.M.

87

- 1 **O** DHE, bi leinn 'n uair 'sheòlas sinn  
 Air doimhneach a 'chuain mhòir,  
 'S an àm na faire anns an oidhch',  
 Thoir dhuinn do dhìon 's do threòir.
- 2 Cha'n eagal dhuinn ged shèideadh gaoth  
 'S ged bheucadh tuinn a' chuain  
 Mu 'n cuairt oirnn air gach taobh, a Dhé,  
 Fo d' ghleidheadh fein gach uair.
- 3 Is léatsa cùine, 's gaoth, is stoirm,  
 'S an cuan 's am fonn gu léir ;  
 An glaic do làimhe gleidhear iad,  
 A chum nach dean iad beud.
- 4 Air fairge ghuirm Ghennesaret  
 'N uair dh'éirich tonnan borb',  
 'S le geilt 'nuair chlisg do dheisciobuil,  
 Le d' fhacal chaisg thu 'n stoirm.
- 5 Mar so, 'nuair dh'éireas stoirmean bras  
 Nar n inntinn thruaillidh chlaoin  
 Bì thusa leinn, a Dhè nan feart  
 'S cuir tosd orra maraon.

6 Troimh ànradh cuain na beatha so,  
 Bi fein dhuinn mar fhear-iùil  
 Gach àm gu 'n ruig sinn tìr an àigh,  
 Is glac 'n ad' làimh an stiuir.

7 Do 'n Athair is do 'n Mhac mar aon,  
 'S do Spiorad Naomh nan gràs,  
 Biodh cliù is urraim agus gloir,  
 A nis agus gu bràth.

8,8,8,8,8,8.

88

1 **O** ATHAIR shìorruidh, 'n teàrnadh treun,  
 'Chuir cuan fo ghéill do d'ghàirdean fhéin,  
 'Tha toirt na h-àithne mhòir do 'n mhuir,  
 'S na crìochan roimhp' air tùs a chuir,  
 An ùrnuigh éisd 'tha 'g éiridh uainn  
 As leth nan uil' 'tha 'n gàbhadh cuain.

2 O Chrìosd, a chrunaich, is fo fhiamh  
 Luidh onfhadh àrd nan stuadh gu fiath,  
 Thusa a dh' imich druim a' chuain,  
 'S an sàrach-mara 'chaidil suain,  
 An ùrnuigh éisd 'tha 'g éiridh uainn  
 As leth nan uil' 'tha 'n gàbhadh cuain.

3 O Spioraid Naoimh, aig tùs an t-saogh'l,  
 Air bhàrr na doimhn' do sgiathan 'sgaoil,  
 A chaisg gach buaireas borb is strìth,  
 'S a shìolaidh dùil gu ciùine 's sìth,  
 An ùrnuigh éisd 'tha 'g éiridh uainn  
 As leth nan uil' 'tha 'n gàbhadh cuain.

4 O Thrionaid bheannaichte nan gràs,  
 Ar bràithrean dìon na 'n uile chàs;  
 Bho sgeir, bho shian, bho theine, 's nàmh,  
 Bi thusa 'd thèarmunn doibh gun tàmh:  
 Dhuit 'eiridh 'n sin, o mhuir 's o thìr,  
 Ard laoidhean-molaidh ait gu sìor. Amen.

- 1 **A** IR son a 'chinne daoine gu leir,  
 Ri urnuigh 'n uair 'tha sinn,  
 Gu sonruicht' éisd as leth na tìr',  
 Gu mòr is gradhaich leinn.
- 2 Uaighean ar n-athraichean tha 'n so,  
 Ar cairdean 'n so tha tàmh,  
 Ar gineal fein's do thir air bith,  
 An toir sinn urrad baigh?
- # 3 Bho gach aon namh ar cladach dìon,  
 Is lion'ur duth'ch le sìth,  
 Biodh soirbheachadh 'n ar bailtean mòr',  
 'S ar raontean biodh gun dìth.
- 4 An gràdh air firinn is ort fein,  
 'S air eòlas aonaich sinn,  
 'S a 'fuaimnich bitheadh ceòl na saors'  
 Air feadh nam beann 's nan glinn. +
- 5 Ruit fean a Thighearna nan sluagh,  
 Ar duth'ch tha sinn ag earbs',  
 Bi thus' a' d' dhion 's a' d' chomhnadh dhuinn,  
 'S a' d' charaid sìor gu dearbh.

6,6,6,6,4,4,4,4.

90

579 -

K.

- 1 **O** S cionn gorm-bhrat nan spéur,  
 Am flaitheanas na glòir',  
 Tha feachd àrd-aingle Dhé,  
 A' seinn a chliù ro mhór.  
 Hallelùiah!  
 Biodh gràdh a' luaidh  
 Air Dia nan sluagh,  
 Hallelùiah!

2 Gheibh Dia o lean'ban òg',  
 Air thalamh cliù is glòir;  
 Is sinne fòs ni ceòl  
 'S a' chòisir mar is còir.  
 Hallelùiah!  
 Ni sinne luaidh  
 Air Dia nan sluagh,  
 Hallelùiah!

3 'Dhé bheannaichte, do ghràs  
 Thoir dhuinne, d'òigridh lag,  
 Is foillsich dhuinn gu bràth,  
 Do mhaitheas is do ghràdh.  
 Hallelùiah!  
 Ni sinn sìor luaidh  
 Air Dia nan sluagh,  
 Hallelùiah!

4 O gu'm biodh d'fhacal naomh  
 A' ruith o thràigh gu tràigh,  
 S gu'm faigheadh sluagh an t-saogh'l  
 Saor theachdaireachd an àigh.  
 Hallelùiah!  
 Gach dùil ni luaidh  
 Air Dia nan sluagh,  
 Hallelùiah!

C.M.

91. 540.

K.

1 **A** IR uchdan uaine fad air falbh,  
 Taobh muigh de bhaile-mór,  
 Chuireadh an Slàn'gheir caomh gu bàs,  
 Chum sinne thoirt gu glòir.

- 2 Cha ghabh e meas no cur an céill  
 Ro mhèud a bhròin 's a phian,  
 Ach 's fios duinn gur ann air ar sgàth  
 Bha 'bhàs is 'àmhghar dian.
- 3 Chum sinne 'shaoradh dh' fhuiling e,  
 'S g' ar naomhachadh tre ghràs,  
 'S ar toirt a suas do nèamh fa dheòidh,  
 Saorte troimh 'fhuil 's troimh 'bhàs.
- 4 Aon eile cha robh naomh gu leòir  
 A dhìol air ciont' 's ar truaigh';  
*a shluagh* 'S e Crìosd a mhàin nì iùl gu nèamh,  
 'S bheir dhachaich sinn le buaidh.
- 5 Bu daor 's bu mhòr a ghràdh d' a shluagh,  
 'S ar gràdh-ne biodh d' a réir;  
 'Na fhuil-san biodh ar dòchas buan,  
 Is gluaisemaid na chéum.

6,5,6,5.

92. 543. K.

- 1 TEUDAN òir cia fonnmhor,  
 'S ceòl nan ainglean grinn',  
 Dorsan àillidh fosgailt',  
 Fosgailte do 'n Rìgh;  
 Iosa, Rìgh na glòire,  
 Iosa Rìgh a' ghràidh,  
 Chaidh e suas gu buadmhor,  
 'S shuidh air cathair àird'.

Nis tha 'n obair crìochnaicht',  
 Seinnidh sinn gu binn;  
 Chaidh e suas gu greadhnach!  
 Glòir do Chrìosd gach linn!



2 Thàinig e 'g ar saoradh,  
 'S dh' fhuiling bàs is bròn ;  
 Nis, aig deas-làimh 'Athar,  
 Fèuch e crùint' le glòir ;  
 Tuille cha ruig béud air,  
 'Chaidh cha'n fhaic e bàs ;  
 Iosa, Rìgh na glòire,  
 Chaidh a suas gu h-àrd.

3 'Ghnàth as leth a chloinne,  
 Tha e 'tagar shuas,  
 E ga 'n gairm gu flaitheas,  
 'S a' cur gràis a nuas ;  
 Dachaidh àigh tha 'feitheamh  
 Air an son gu h-àrd ;  
 Sìorruidh tha a bheatha,  
 Sìorruidh bidh a ghràdh.

6,6,6,6,6,6,6,6.

93. 544. K.

1 CHLANN, togaibh òran binn,  
 Hallelùiah ! Amen !  
 Mor chliù do dh' Ios' ar Rìgh,  
 Hallelùiah ! Amen !  
 Biodh teanga 's cridhe 'luaidh  
 Dhasan 'na chathair shuas ;  
 Seinnibh gu sìorruidh, buan,  
 Hallelùiah ! Amen !

2 Togaibh bhur guth gu léir,  
 Hallelùiah ! Amen !  
 Lìonadh a ghlòir an spéur ;  
 Hallelùiah ! Amen !

Stiùradh is càirdeas ciuin  
 Gheibh sinn o 'n t-Slan'ghear chaomh ;  
 Crìoch cha tig air a rùn,  
 Hallelùiah ! Amen !

- 3 Luaidhibh a ghlòir gun sgìos,  
 Hallelùiah ! Amen !  
 'N saogh'l so cha chluinn a chrìoch,  
 Hallelùiah ! Amen !  
 Shuas ann an Rìogh'chd an aigh,  
 Molaidh sinn Crìosd 's a ghràdh,  
 'S bidh sinn a' seinn gu bràth,  
 Hallelùiah ! Amen !

8,4,8,4,8,8,8,4.

94 *549. Am. 7. 1/2*

- 1 **T**HA Fear caomh ann thar nan uile ;  
 O mèud a ghràidh !  
 Thar gràdh bràth'r tha 'ghràdh-san duinne ;  
 O mèud a ghràidh !  
 Feudaidh càch fàs umainn suarach,  
 Tlàth an diugh, 's am màireach gruamach ;  
 Annsan gheibh sinn gràdh nach fuaraich ;  
 O mèud a graidh !
- 2 Eòlas air is slàinte shìorruidh ;  
 O mèud a ghràidh !  
 Dhàsan, feuch, cia mòr ar fiachan ;  
 O mèud a ghraidh !  
 Rinn e 'fhuil 'n ar n-àite dhòrtadh,  
 Theasaire e 's an fhàsach mhór sinn,  
 'S thug e steach gu caomh d' a chrò sinn ;  
 O mèud a ghràidh !

- 3 Iosa naomh, am b' aill leat fhaotainn ?  
 O mèud a ghràidh !  
 Thoir thu fhèin gu toileach, saor, dha ;  
 O mèud a ghràidh !  
 Creid do lòn gach àm gu'm faigh thu,  
 Bidh e leat a ghnàth mar gheall e,  
 Tog a chuing an àird is lean e ;  
 O mèud a ghraidh !
- 4 Maithear dhuit do pheacaidh uile ;  
 O mèud a ghràidh !  
 Cìosnaichear do nàimh gu buileach ;  
 O mèud a ghràidh !  
 Rogha bheannachd gheibh thu 'n còmhnuidh !  
 Nì ach math cha leig e 'd chòir-sa,  
 'S bheir e tèaruine gu glòir thu ;  
 O mèud a ghràidh !
- 5 Molaidh sinn an sin gu bràth e ;  
 O mèud a ghràidh !  
 Tilgidh sinn ar crùin 'na làthair ;  
 O mèud a ghraidh !  
 Togaidh sinn an sin buaidh-chaitheam,  
 'N uair a gheibh sinn thun a chathrach,  
 'S seinnidh sinn le slòigh nam flaitheas—  
 O mèud a ghràidh !

6,5,6,5.

95 558. K.

- I IOSA àrd 's na nèamhan,  
 Crom do chluas r' ar glaodh ;  
 'S 'n uair a nì sinn slèuchdadh,  
 Eisd ar guth gu caomh.

- 2 Ged tha thu cho naomha,  
Ard-Rìgh mór nan dùl,  
Cromaidh tu g'ar n-éisdeachd  
'Cur an céill do chliù.
- 3 'S leanaban beaga, faoin, sinn,  
Ullamh gu dol ceàrr ;  
'Shlàn'gheir, gleidh is stiùir sinn  
Chum na tìr' a's fheàrr.
- 4 Cum sinn o gach éu-ceart,  
Stiùir ar céum gach là ;  
Glan sinn o gach peacadh ;  
Lìon ar crìdh' le d' ghràdh.
- 5 'N sin 'n uair ghairmeas Crìosd sinn  
Suas gu Tìr an aigh,  
Freagramaid gu h-aoibhneach—  
“Thig, a Shlàn'gheir gràidh !”

6,5,6,5.

96579.

- 1 , **S** EILTHIREACH 's an tìr mi,  
Coigreach beag air chuairt ;  
Ged tha 'n saoghal taitneach,  
Olc tha dlùth gach uair.

- 2 O 's i m' annsa 'n tìr sin  
'S nach 'eil olc no cràdh !  
Far nach cluinnear osna  
No guth bròin gu bràth.

- 3 Ach biodh aig gach aon dinn  
Eideadh glan gun smal,  
'S ni e triall le Iosa  
An an trusgan geal.
- 4 Iosa, glan is saor mi,  
Teagaisg dhomh bhith ùmh'l ;  
'Spioraid Naoimh, bi ghnàth leam,  
'S dean gu nèamh domh iùl.
- 5 'S eilthireach 's an tìr mi,  
Coigreach beag air chuairt,  
Ach gach là na 's fhaisge  
Tha mo dhachaidh shuas.

8,6,8,5.

97

585 - K

- 1 'N UAIR a thig e, 'n uair a thig e  
A thional a shéudan,  
Séudan luachmhor, séudan àillidh,  
Uil' annsachd 's a rùn.

Mar na réultan 's na h-àrdaibh,  
Air a choron a' deàrrsadh,  
Ni iad dealradh na 'n àilleachd,  
Glan shéudan a chrùin.

- 2 Ni e 'n tional, ni e 'n tional,  
Gu dealradh 'na rìoghachd ;  
Na tha soilleir, na tha fìor-ghlan,  
'Uil' annsachd 's a rùn.
- 3 'S iad an òigridh, 's iad an òigridh  
'Thug gràdh do 'n Fhear-shaoraidh,  
Sin na séudan, sin na séudan,  
'Uil' annsachd 's a rùn.

- 1 **A** IG cloinn tha caraid gràsmhor  
 Gu h-àrd os cionn nan spéur,  
 An caraid caomh nach fàilnich,  
 'S a ghràdh a chaoidh nach tréig.  
 Neo-choltach ris na càirdean  
 'Tha 'n triall gach là do 'n uaigh,  
 'Tha 'n caraid so neo-bhàsmhor,  
 'S tha 'ainm ro àrd ri 'luaidh.
- 2 Aig cloinn tha fois 's an àros  
 Gu h-àrd os cionn nan spéur ;  
 A' chlann a tha 'toirt gràidh dha  
 'S ag iarraidh gràsan Dhé,  
 Tha fois ac' o gach ànradh,  
 Gach peacadh, 's gàbhadh géur ;  
 A chaoidh nan cian cha'n fhàilnich  
 An fhois tha 'n àros Dhé.
- 3 Aig cloinn tha dachaidh àghmhor  
 Gu h-àrd os cionn nan spéur  
 Tha aoibhneas, sìth, is gràdh ac'  
 Fo riaghladh àrd Mhic Dhé ;  
 Air thalamh cha'n 'eil fàrdach  
 Thig suas ri àros nèimh',  
 Tha h uile h-aon 'tha tàmh ann  
 Cho làn de shonas séimh.
- 4 Aig cloinn tha crùintean àluinn  
 Gu h-àrd os cionn nan spéur,  
 Is gheibh gach aon na 'thràth iad  
 Tha 'g earbsadh gràdh Mhic Dhé—  
 Sàr chrùintean maiseach glòire  
 A bheir Iehóbha tréun  
 Do 'n dream tha falbh na 'chòmh dhail,  
 'S a toirt d' a òrdugh géill.

- 5 Aig cloinn tha òran gràsmhor  
 Gu h-àrd os cionn nan spéur,  
 Is seinnidh iad air clàrsaich  
 Mu bhuaidhean àrd Mhic Dhé.  
 Gu h-àrd tha sonas sìorruidh  
 A' tigh'nn o Chrìosd gach uair  
 A chlann, grad thugaibh gràdh dha,  
 'S bidh agaibh slàint' bhith-bhuan.

8,6,8,6,8.

99. 587. K.

- 1 **M**U chathair Dhé 's na nèamhan shuas,  
 Tha mìltean cloinne ghnàth ;  
 Gach peacadh ghlan an Slàn'ghear uap',  
 Sud comunn naomh an àigh,  
 'S iad a' luaidh a ghlòir' gu sìorruidh.
- 2 'An trusgan geal a's àillidh snuadh,  
 Gach aon diùbh sgeadaicht' thà,  
 A' tàmh 'an soillse 'tha bith-bhuan,  
 Is mùirn nach traoigh gu bràth,  
 'S iad a' luaidh a ghlòir' gu sìorruidh.
- 3 Ciod 'thug iad so do thìr an àigh,  
 Is dachaidh àird nan naomh,  
 Far am bheil sonas, sìth, is gràdh—  
 Co stiùir an òigridh chaomh ?  
 'S iad a' luaidh a ghlòir' gu sìorruidh.
- 4 An Slàn'ghear caomh, dhoirt esan 'fhuil,  
 Bho pheacadh g' an cur saor ;  
 'S a nis air ionnrad anns an tuil,  
 Fèuch, tha iad geal gach aon,  
 'S iad a' luaidh a ghlòir' gu sìorruidh.

- 5 Air thalamh dh' iarr iad a shaor ghràs,  
 'S air 'ainm bu chaomh leò luaidh ;  
 'S tha iad a nis 's na nèamham àrd',  
 A' tàmh an làth'r an Uain,  
 'S iad a' luaidh a ghlòir' gu sìorruidh.

*Change for the voice from 1st Stage*  
 7,7,6,6,6,6,7.

100

- 1 **A** N so fuilgear bròn is cràdh,  
 'S bho chéil sgarar sinn gun dàil ;  
 Air nèamh cha dealaich sinn.

*See R. 1*  
*589*  
*in m. 2nd stage, K. 1*  
 O bidh e cho aoibhinn !  
 Aoibhinn, aoibhinn, aoibhinn !  
 O bidh e cho aoibhinn !  
 'S a' chomunn nach sgaoil ni 's mò.

- 2 Gach aon a ghràdhaich Crìosd 'bhos,  
 Air nèamh 'n uair am bàis gheibh fois,  
 'Seinnidh le naoimh an glòir.
- 3 Bidh' clann bheag an sin an sìth,  
 'Dh iarr le h-ùrnuigh slàint' troimh Chrìosd,  
 Bho 'n uil sgoil Shàbaid chaoimh.
- 4 Aoibhinn, aoibhinn, bithidh sinn,  
 Gnùis an t-Slàn'gheir 'n uair a chì,  
 Gu h-àrd air cathair 'ghlòir'.
- 5 Ar luath-ghair ait 'n àrd theid suas,  
 'S seinn gu sìorruidh cliù is buaidh,  
 Do Chrìosda, Triath nan slògh.



7,6,7,6,D.

101

393-K

- 1 **T**EARUINT' an caomh-ghlaic Iosa,  
 Tèaruint' air uchd a ghràidh,  
 Falaicht' fo sgàil a thròcair,  
 M' anam gheibh sòlas àigh.  
 Eisdibh na h-aingle 'gairm rium,  
 Eisdibh an t-òran binn,  
 Nall thar na cluaintean glòrmhor,  
 Nall thar an òr-chuain ghrinn !

Tèaruint' an caomh-ghlaic Iosa,  
 Tearuint' air uchd a ghràidh,  
 Falaicht' fo sgàil a thròcair,  
 M' anam gheibh sòlas àigh.

- 2 Tèaruint' an caomh-ghlaic Iosa.  
 Tèaruint' o chual 's o chlaoidh,  
 Tèaruint' o bhuaireadh saogh'lta,  
 Peacadh cha chiùrr mi chaoidh ;  
 Teagamhan, geilt, is doilghios,  
 Fògraidh e uam gu léir ;  
 'S geàrr gus an sguir gach àmhghar,  
 'S falbhaidh gun dàil gach dèur.

- 3 Iosa, mo thèarmunn gràdhach,  
 Bhàsaich e air mo sgàth ;  
 Carraig nan àl nì stéidh dhomh,  
 Bunait nach géill gu bràth !  
 Feitheam an so 's an sgaoilear  
 'N oidhche 'bha cianail, dall,  
 Feitheam am bristeadh-faire,  
 'Dearrs' air an òr-thraigh thall,

is

A

na thàlad

9  
1 N IS tha 'n la air caochladh,  
'S neul na h-oidhche dlùth,  
Bratach dhorch' an fheasgair  
'Sgaoileadh as ar cionn.

2 Rionnagan a deàrrsadh  
Ann an cuairt nan speur,  
Is luchd taimh nan coilltean  
'Cur an cinn fo 'n sgéith.

3 Do gach aon tha 'n airtneul  
Iosa tabhair fois ;  
Le do bheannachd chaoimhneal  
Thoir do m' shuilean clos ;

4 Taisbean do na lean'baibh  
Sealladh naomh ort fein ;  
Gleidh an dream tha seoladh  
Mach air cuan nan teinn.

5 Thoir do chloinn na h-amhghair  
Faothachadh bho 'm pian ;  
'N cridh' tha dealbh na h eucoir  
Cum le d' ghras fo shrìan.

6 Aithn' thoir do na h-aingle  
Faire ré na h-oidhch',  
'Sgaoilt' os cionn mo leaba  
Bidh' an sgiathan soills'.

7 'N uair thig briseadh faire  
Eiridh mi bho m' shuain,  
Ann a' d' ghealladh naomha  
Urail, glan, gun ghruaim.

8 Gloir gu 'n robh do 'n Athair,  
Moladh mor do 'n Mhac.  
Cliù do 'n spiorad shiorruidh,  
Feadh gach linn ri teachd.

8,7,8,7.

103

6135 Hw

1 'R EUL na sìth, do'n dream tha claidhte,  
Tha do shoillse glòrmhor buan ;  
Stiùir an seòladair le d' bhoillsgeadh,  
Nochd dha caoimhneas air a' chuan.

2 'Réul an dòchais, deàrrs 's an iarmailt,  
Ciùinich iarguinich a bhròin ;  
Beannaich tàmh an fhir a thriallas  
Measg nan siantan, 's e gun treòir.

3 'Réul a' chreidimh, 'n uair a dh' éireas  
Tonnan bréun gu h-éitidh mór  
Riutsa bidh a ghlaodh na 'éiginn,  
Thoir dha éisdeachd agus fòir.

4 'Lòchrain nèamhaidh, stiùir am fògrach  
O dèan tròcair air na fhéum ;  
Sheas e dèuchainn ghoirt is dòruinn—  
Treòraich e a' d' ionnsuidh fhéin.

8,7,8,7,8,7.

104

125. R.B

1 'T HRIATH, le d' bheannachd cuir fa-sgaoil sinn,  
 Lòn ar crìdh' le gean is sìth ;  
 Biodh do ghràdhsa aig gach aon dinn,  
 'S uaill a' d' ghràs nì sinn gun dìth ;  
 Uraich fhéin sinn,  
 Air ar slighe troimh an t-saogh'l.

2 Glòir is moladh bheir sinn duitse  
 Air son fuaim an t-soisgeil àigh ;  
 Gu'n robh toradh pailt' do shlainte  
 Ann ar crìdh' 's 'n ar beatha ghnàth ;  
 Is do làithreachd  
 Bitheadh leinn a nis 's gu bràth.















